

LATAIQUI' LINIŁPA SAN MARCOS LOYA'APA İLE AL C'A LIXPIC'EPA ŁANDIOS

¹ Fa'a tipa'a liniłiya lixpıc'epa ŁanDios. İle lataiqui' ac'a loya'apa, tipalaijma Jesucristo, iłque li'Hua ŁanDios. Cu'i'molhuo' te ts'i'ic' lipangopa luya'ampá ile lataiqui'.

² Jiłpe lije'e cal profeta Isaías iniliįmpa lo'iya. İle liniłpa tuya'e' te ts'i'ic' linespa ŁanDios, ticua:

¡Ałquimf'ela! İya' cumme'ma łainepaluc, iłque ticuaita ate'a, tilanc'e'eto' lopene.

³ Pe ailopa'a quıłya' iłque tuya'ata, tu'itola' lan xanuc' lafot'leyacołtsi,

tu'itola': "Tołanc'e'ełe lipene łalPoujna.

Toł'e'ełe alįca lane pe loyaicoya."

⁴ Licuaiyunni Juan Bautista enanłpa ile lataiqui'. Małque Juan epaluc ŁanDios łipalaicopa Isaías.

Icuaitsi Juan al pana' Jordán pe ailopa'a quıłya'. Jiłpe tepo'iyale. Tu'ila' tixhuej'menanca lo'epa lixcay. Tepoliłe. ŁanDios tiłonc'e'e'mola' liłjunac'.

⁵ Lan xanuc' ni petsi lomana' al distrito Judea, jouc'a jahuay lan xanuc' nomana' liłya' Jerusalén, ipalunca liłpiłelołya', iye'me, icuaitsa pe lopa'a Juan. Uya'a'me li'epa lixcay. Ticuayi: "Ałsuej'menammas". Juan epo'i'mola' al pana' Jordán.

⁶ İłque Juan lipijahua' ipufcompa ipimij camello. Lifi'ejma ixmi. Łitejua' łotepa axa'muł y acujua c'ec.

⁷ Tuya'e', tu'ila':

—Iya' aicuai'ma ate'a. Tijoula' ticuaihuo ocuena xonca acueca'. Iya' aimal'onspa to ilque, caxina alaic'ata, aimi'iya cuhuaic'eya lic'ejí'.

⁸ Iya' capo'icolhuo' aja', ilque ticuaiyunni tepo'ico'molhuo' cal Espíritu Santo.

⁹ Ihe litiné Jesús ipanni al distrito Galilea, jilpe liya' Nazaret. Icuaitsi al pana' Jordán jilpe Juan epo'i'ma.

¹⁰ Lipanni Jesús laja', ixim'ma eximma lema'a, ixim'ma cal Espíritu Santo ti'onlcospa to cal fujca ja'mu', imunni, icuaitsi pe lacaxu, ihuoxaf'caitsi.

¹¹ Jesús icuej'ma jilpe lema'a tipalay, timi:

—Ima' mai'Hua, ca'ehuo' capic'a juaiconapa. Latenma lopicuejma' jouc'a lo'ejma'.

¹² Lijou'ma aikuicol'ma, cal Espíritu Santo i'hua'a'ma Jesús, icuaitsi pe ailopa'a quilya'.

¹³ Jilpiya ipajntsi oquej nuxans quitine pe lomaná' lan ximalo quinnejá. Lonta'a Satanás ehua'i'ma. Icuaitsa lapaluc' quema'a, itoc'i'me.

¹⁴ Lijoupa litats'empa Juan Bautista, Jesús ipanni al distrito Judea. I'hua'ma al distrito Galilea. Jilpe tuya'e' lixpíc'epa LanDios, ihe lataiqui' ac'a loya'apa.

¹⁵ Tu'ila' lan xanuc':

—Fa'a li'a lamats' LanDios cal Cuecaj Rey ticuxela' lixanuc'. Tolsuej'menca. Tolapenufle Lataiqui' loya'apa ihe al c'a lixpíc'epa LanDios.

¹⁶ Anuli litine Jesús ti'hua lema al cuecaj quin'nuhua' cuftine Galilea. Ixim'mola' Simón jouc'a Andrés, ilque ipima Simón. Ihe lapimaye in'nohpá catuye, tecajm'miyi lixami laja.

¹⁷ Jesús timila':

—¡Lihuejla'! Capi'i'molhuo' ocuena colpenic'. Aimolahueconayacola' latuye. Tolahuetola' lan xanuc' lihuejla'.

¹⁸ Aits'icol'mola'. Simón jouc'a Andrés ipo'no'me lixami. Ihuej'me Jesús.

¹⁹ Iye'me nihuata, Jesús ixim'mola' Jacobo i'hua Zebedeo, jouc'a Juan, itque ipima Jacobo. Ine ticuscolanna al barco, tipufmot'leyi lixami.

²⁰ Aiquicol'ma, Jesús ijoc'i'mola'. Iniya ipo'nom'mola' Zebedeo quil'ailli' jouc'a no'epá canic' imanenca al barco. Ihuej'me Jesús.

²¹ Iye'me liya' Capernaum. Litine conxajya i'hua'ma Jesús lajut't pe lafolyomma. Jilpiya imuc'i'mola' lan xanuc'.

²² Ine lan xanuc' ixim'me ac'a lomuc'iyalepa Jesús, ixim'me icueya limane. Ticuayi:

—Acueca' itque litaiqui'. Laipomxiye nomuc'iyalepá locuxepa LanDios, ine aimi'onlspola' to Jesús.

²³ Jilpiya pe lafolyomma tipa'a anuli cal xans litsufaipa conta'a. Cal xans ija'a'ma ujfxi.

²⁴ Timi:

—Ima' conJesús mas Nazaret, ¿te cof'epa? ¿Te cotsufaicomma ima' fa'a pe laimana'? ¿Te aga ocuai'ma fa'a ma le'a aljou'ne'monga'? Iya' nimet-saicohuo'. Ima' umPaxi, o'huayomma LanDios.

²⁵ Jesús itale'ma, timi:

—¡Ti-ch'ixcotso'! ¡Taipanni itca'a cal xans!

²⁶ Lonta'a ife'ne'ma ujfxi cal xans, ija'a'ma ujfxi, ipananni.

²⁷ Lan xanuc' nomana' jilpe lajut't ixim'me acueca' li'ipa. Icuis'e'moltsi, timiyoltsi:

—¿Te jale itta'a lataiqui'? Itca'a Jesús ituca' lo-muc'iyalepa. Icueya limane, jouc'a lontahue tic-uxela', itne ticuec'eyi.

²⁸ Aiquicoł'ma. Ixpehuaitsi lataiqui' loya'apa li'epa Jesús. Ni petsi al distrito Galilea icuej'me li'ipa.

²⁹ Jesús jouc'a ts'ilihuequi, itniya Simón, Andrés, Jacobo y Juan, ipalunca lajut'ł pe lafołyomma, iye'me lilejut'ł Simón y Andrés.

³⁰ Li'maco Simón tunouya textafque. Tepi'i quip-inu'. Aiquicoł'ma, u'i'me Jesús textafque łaca'no'.

³¹ Jesús itoc'huai'ma pe lopa'a łaxtafpa. I'noł'e'ma limane. Icutsu'ma łafcuana. Ihojn-na'ma łipinu'. Ixałcona'ma. Itsahuenanni, ites'mi'mola'.

³² Itte litine joupa if'acolaipa i'ipa ipuqui', lan xanuc' itaic' lilefcualłay, jouc'a litsufłaiyila' con-tahue.

³³ Jahuay lan xanuc' nomana' liłya' icuaiyunca, efołunni lico lajut'ł.

³⁴ Jesús itaxal'mena'mola' axpela' lan xanuc', ax-pej cuana. Jouc'a icuxe'mola' lontahue tipal-nanca lan xanuc'. Lontahue imetsaico'me Jesús. Itque ticua: “Lontahue aimuya'acona'me”. Tołiya i-ch'ixc'e'mola'.

³⁵ Icuaitsi lilitic'ejma ma' aquipuqui', Jesús it-sahuenni, ipanni liłya', i'hua'ma petsi ailopa'a quiliya'. Jitpe ipalaic'o'ma LanDios.

³⁶ Simón jouc'a liłejmale ehue'me Jesús.

³⁷ Ixim'me, timiyi:

—Lan xanuc' tehuehuo'.

³⁸ Jesús timila':

—Eepá. Eepá laiquitelotya' lan huejnca lomana'. Ticuicomma cu'itsola' jout'a ihniya Lataiqui' loya'apa ite al c'a lixpica'epa LanDios.

³⁹ Ti'huaf'cay jahuay al distrito Galilea, lajut'hi pe lafolyomma lan xanuc', jilpe tu'iyale ite Lataiqui'. Tipa'e'ela' lan xanuc' li'pontanhue.

⁴⁰ Anuli litine icuaitsi pe lopa'a Jesús anuli cal xans iteca cahuí, ite al cuana cuftine al lepra. Itque exc'onlingai'ma. Tixahue'e, timi:

—Ja'ni ima' opic'a, nipajnya atsa't'mena'ma laicuana. At'inla' limpio.

⁴¹ Jesús ixim'ma acuanuc' lafcuana. I'nij'ma li-mane. Ixpayaf'ma, timi:

—Ne', aipic'a. Iya' caxat'me'mo'. ¡Tixat'contso! ¡Ti'intso' limpio!

⁴² Aiquico'l'ma, itojn-na'ma lehui, ixat'cona'ma.

⁴³ Aiquico'l'ma, Jesús ixc'ai'i'ma,

⁴⁴ timi:

—Aimo'itola' lan xanuc' ite lai'e'epo'. Aimoy-out'le'ma. Nij naitsi nocuejya. To'huanla', tomujxoxi pu'hua la'ailli'. Totsufcota LanDios to Moisés licuxe'epola' ts'it'hepra, itne jout'a i'napola' limpio. To'ta'a atsim'monga' lihuejcoyi ite litaiqui' Moisés.

⁴⁵ Itque hixat'conapa i'hua'ma, ipango'ma uya'a'ma li'e'epa Jesús. To'ta'a Jesús aimi'iya mitsufaiya litelotya'. Tipanemma petsi ailopa'a qui'ya'. Lan xanuc' quiyoyomma ni petsi litelotya', titcuaiyumma pe lopa'a Jesús.

2

¹ Lijout'a luyaipa oquej fanej quitine, Jesús ipainanni, itsufaicona'ma li'ya' Capernaum. Lan xanuc' icuej'me Jesús tipa'a lajut'í.

² Aiquicoł'ma icuaiyunca axpela' lan xanuc', efoł'le'mołtsi. Imantsi lajut'ł jouc'a lico cajut'ł. Jesús tu'ila' Lataiqui' loya'apa iłe al c'a lixpıc'epa ŁanDios.

³ Ocuenaye lan xanuc' icuaiyunca jılpe łuna. Amalujxi iłniya iłtaic' anuli łuhuaqueya xans.

⁴ Ipa'ne'mola' lefołya, aimi'ıya muyalaicoyacu, micuaiyacu pe lopa'a Jesús. If'ajlı'me lajut'ł, enai'e'me łuhua'e lajut'ł jılpe al toncay pe la-caxu Jesús. Małpiya ecajm'mi'me cal xans łonafya lihujm-ma', ipo'ningaitsi li'mitsi' Jesús.

⁵ Jesús ixim'mola' iłniya ti'huaiyijnyi, ticuayi: “Tixał'mena'ma”. Timi łuhuaqueya:

—Mai'hua, joupa iłojn-napa lojunac'.

⁶ Ticutshuołanna jılpiya hualca lomxiye nomuc'iyalepá locuxepa ŁanDios. Iłniya ticuayi liłpicuejma':

⁷ “Iłque cal xans, ¿te conescopa tołta'a? Ma le'a quituca' ŁanDios nipajnya tiłonc'e'e'mola' liłjunac' lan xanuc'. Iłque ti'onłicoyoxi to ŁanDios.”

⁸ Jesús aiquicoł'ma i'i'ma quixina' te lonespa lan xanuc'. Timila':

—Imanc', ¿te cołnescopa tołta'a lołpicuejma'?

⁹ ¿Pe copa'a xonca lipime? ¿Te cataiqui' caifmiya łafcuana? ¿Camıła': “Lojunac' joupa iłojn-napa”, o camıła': “Totsahuenanni, tonif'nała' łohujm-ma', to'huanła'”?

¹⁰ Itsiya camuc'i'molhuo' icueya laimane. Iya' iłque cal Xans Łiximpa cal profeta pu'hua lema'a. Ma capa'a fa'a li'a łamats' ti'i'ma quimenc'e'eco'mola' liłjunac' lan xanuc'.

Ipalaic'o'ma łuhuaqueya, timi:

11 —Iya' camihuo', totsahuenanni, tonif'nata' lohuijm-ma', to'huanla' lomejut'l.

12 Luhuaqueya aikuico'l ma itsahuenanni, inif'ma lihuijm-ma'. Mehuelojnyi lan xanuc', ixim'me ipanni, i'huana'ma. Ixpailij'mola', tinesyi:

—Acueca' juaiconapa li'epa LanDios. To'ta'a li'ipa aica'sina', ni anulemma.

13 I'huacona'ma Jesús lema al cuecaj quin'nuhua'. Jahuay lan xanuc' iye'me pe lopa'a. Timuc'ila'.

14 Lijoupa limuc'iyalepa, ti'hua tuyaipa, ixim'ma anuli cal xans cuftine Leví, i'hua Alfeo. Itque Leví ticutsu petsi lo'najts'i'iyaleyompa. Jesús timi:

—Lihuejla'.

Leví itsahuenni, ihuej'ma Jesús.

15 Jesús jouc'a ts'ilihuequi icuaitsa lejut'l Leví, ticutshuolanna, titetsoyi. Titetsoyi jouc'a axpela' lin'najtsi'iyale jouc'a ocuenaye lan xanuc'. Jahuay itniya a'i mihuejyi locuxepa LanDios. Axpela' itniya tihuejyi Jesús.

16 Lomxiye nomuc'iyalepá locuxepa LanDios jouc'a lan xanuc' fariseo ehuelojm'me Jesús titetsoyi anuli lin'najts'i'iyale y locuenaye lan xanuc'. Imetsaiconnila' itne aimihuejyi locuxepa LanDios. Timinnila' ts'ilihuequi Jesús:

—Tolsinte, lo'pomxi titetsoyi anuli lin'najts'i'iyale y locuenaye lan xanuc'. Jahuay itniya aimihuejyi locuxepa LanDios.

17 Jesús icuej'ma lonespa itniya. Timila':

—Lan xanuc' ja'ni a'i mextafquila' aim-icuicomma mi'e'enyacola' cafxi. Lafcuallay linca tucuicomma no'eyacola' cafxi. Iya' aicuaicoco'ma

cajoc'i'mola' ts'iljunac'. Aicajoc'iyacola' petsi ailopa'a quijunac'.

18 Anuli litine tixnet'lyi aimitetsoyi ts'ilihuequi Juan Bautista jouc'a lan xanuc' fariseo. Icuaitsa lan xanuc' pe lopa'a Jesús, timiyi:

—Ts'ilihuequi Juan jouc'a lan fariseo tixnet'lyi, aimitetsoyi. Ihe lihuejhuc', ¿te aimixnet'lyi?

19 Jesús italai'e'e'mola', timila':

—Ma mipa'a lamijcano lamaneya, ¿te tixnet'l'me, aimitetsoyacu ts'ilejmale? Ai. Anuli miłmana' lamaneya, aimi'ya mixnet'lyacu.

20 Ticuaihuo litine aimimajnconayacu anuli, ile litine linca tixnet'l'me.

21 'Al ts'e quijahua' aimi'ya manajmot'licoya lafane quijahua'. Ja'ni tołta'a to'eta', al ts'e quijahua' tetehuo, tijouła' lafane quijahua' tits'alquehuo xonca.

22 Aimoc'ej'miya al ts'e vino petsi lafanej punta quixmi. Ja'ni to'etsi tołta'a, al punta quixmi tits'alquehuo, timinsco'ma al vino, timinsco'ma jouc'a al punta quixmi. Al ts'e vino tic'ej'minni al ts'e punta quixmi.

23 Anuli litine conxajya, Jesús jouc'a ts'ilihuequi tuyalaicoyi nolojmay cal trigo. Muyalaicoyi, ts'ilihuequi ipango'me ipa'a'me lixpaj trigo.

24 Lam fariseo timiyi Jesús:

—¡Toxintsola' lihuejhuc'! Itsiya itine conxajya. Ailopa'a lane mi'eyacu tołta'a.

25 Jesús timila':

—Imanc', ¿te a'i cołsuec' liniliya loya'apa li'epa cal rey David? Icuaitsi litine unle'enca ilque jouc'a li'ejmale, ailopa'a cotejacu.

²⁶ David itsufai'ma lejut'í LanDios. Jiłpe tipa'a lam paxi ca'í. İhne la'í tipa'a lane tite'me ma le'a la'aillí, a'i lan xanuc'. David ite'ma jouc'a epi'i'mola' liłejmale, ite'me. Tołta'a i'ipa mipa'a Abiatar cal cuecaj ca'ailli'.

²⁷ Jesús ti'hua tipalaic'ola' lan xanuc', timila':

—LanDios ate'a ilanc'epa cal xans, lijou'ma enaj'ma litine tunxajla' cal xans. A'i quenaqui litine ate'a.

²⁸ Iya' ilque cal Xans Liximpa cal profeta pu'hua lema'a. Iya' cacuxe'ela' laixanuc' te lo'eyacu ile litine conxajya.

3

¹ Ocuena quitine conxajya, Jesús itsufaiconama lajut'í petsi lafołyomma lan xanuc'. Jiłpe tipa'a anuli cal xans ijułpa limane.

² Lam fariseo tehuelojnyi Jesús. Ti'huilaiç'oyi ja'ni tixał'me'ma cal xans ile litine conxajya. Tehueyi te co'iya micuxecoyacu.

³ Jesús ipalaic'o'ma cal xans, ilque ts'ijul quimane. Timi:

—To'huanni fa'a. Tacaxla', tahuoc'ocotsola' lan xanuc'.

⁴ Içuis'e'mola' lam fariseo, timila':

—Lu'ıta', litine conxajya, ¿te lapi'inga' lane ał'ełe al c'a? O ¿ałcuxe'enga' ał'ełe lixcay? ¿Nipajnya lunł'u'e'me lipitine cal xans o ałma'a'me?

İhniya aiçuiłtalai'e. Ch'ix le'a.

⁵ Jesús ehuelojm'mola' ilne lam fariseo. Tix-tuc'ola'. Tixhuełma, ixina' ihniya joupa ipo'nopá liłpicuejma', aiçuiłcueca.

Jesús timi cal xans:

—To'nijla' lomane.

Cal xans i'nij'ma limane. Ixałcona'ma.

⁶ Lam fariseo aikuicoł'mola', ipalunca, iye'me ipalaic'otsa lixanuc' cal rey Herodes. Tehueyi te co'iya mima'ayacu Jesús.

⁷ Jesús i'huana'ma. Iłque jouc'a ts'ilihuequi iye'me al cuecaj quin'nuhua'. Iyenc'e'me axpela' lan xanuc' quiyoyomma al distrito Galilea.

⁸ Lan xanuc' ni petsi lomana' icuej'me al cueca' lo'epa Jesús. Icuej'me ilne nomana' al distrito Judea jouc'a nomana' al cuecaj quıya' Jerusalén, jouc'a nomana' łamats' Idumea, jouc'a nomana' lu'hua quiyay al pana' Jordán, jouc'a nomana' hilemats' hilełıya' Tiro y Sidón. Axpela' ilniya icuaiyunca pe lopa'a Jesús.

⁹ Lixim'mola' axpela' quefoıya Jesús icuxe'e'mola' ts'ilihuequi ti'hua'anca anuli al barco, tipo'noıe łema al cuecaj quin'nuhua'. Ja'ni lan xanuc' tipango'me titantsi'me Jesús, ilque titsufai'ma al barco.

¹⁰ Joupa axpela' ixał'mepola', toıya itsiya jahuay lafcuallay, axpej cuana, tummetsaiyołtsi, tiyele ahuejnca Jesús, tilafle.

¹¹ Lan xanuc' pe litsufaiyila' contahue, lixim'me Jesús, ecanghuołaitsa li'mitsi'. Lontahue tija'ayi, timiyi:

—Ima' i'Hua ŁanDios.

¹² Jesús itale'mola' ujfxi. Timila':

—Aimunlu'itola' lan xanuc' tołta'a.

¹³ Lijou'ma if'aj'ma hijuala. Joupa ixpic'epa naiłniya ts'ilihuequi tiyoyunca. Ijoc'i'mola'. Icuaita pe lopa'a.

14 I'huijf'e'mola' imbamaj coquexi' timajnlē anuli. Tumme'mola' tuya'ata Lataiqui' loya'apa ihe al c'a lixpīc'epa ŁanDios.

15 Epi'i'mola' liħmane tipa'ata lontahue litsufaiyila' lan xanuc'.

16 Jifa'a tipa'a liħpuftine iħniya limbamaj coquexi': Simón, łecui'impa Pedro,

17 Jacobo y Juan, inaxque' Zebedeo. Iħne loquexi' Jesús łecui'ipola' Boanerges.

Iħe laftine locuajmaispa: Iħne noquimf'epá, nocuec'epá lonespa ŁanDios.

18 Andrés y Felipe,

Bartolomé y Mateo,

Tomás y łocuena Jacobo, iħque i'hua Alfeo,

Tadeo y łocuena Simón, iħque łecui'impa cal cananeo,

19 jouc'a Judas Iscariote, iħque nocuya Jesús.

20 Jesús itsufaipa anuli lajut'ł. Efoť'łecona'mołtsi axpela' lan xanuc'. Jesús jouc'a ts'ilihuequi aiqui'i'ma quitetso'me.

21 Licuejpá lipimaye Jesús tołta'a li'ipa, ines'me: Jesús iminscopa lipicuejma'. Ipalunca, iye'me, tileconna Jesús.

22 Jiħpe pe lopa'a Jesús timana' hualca lomxiye nomuc'iyalepá locuxepa ŁanDios, quiyoyomma liħya' Jerusalén. Iħniya ticuayi:

—Jesús itsufaipa łonta'a cuftine Beelzebú. Iħque nocuxepola' contahue epi'ipa limane Jesús tipa'atsola' lontahue.

23 Jesús ijoc'i'mola' iħniya lomxiye, timila':

—¿Te całtalai'e'eya imanc'? ¿Te aga łonta'a Satanás tihuescuf'ma ĩpima conta'a?

Ti'hua tipalaic'ola'. I'onħicopa to lo'ipa. Timila':

24 —Ja'ni tenajtsołtsi lan xanuc' anuli al nación, ja'ni ti'etsoltsi oque', ihe al nación tijou'ma lipujfxi.

25 Ja'ni lan xanuc' nomana' anuli lajut'ł tenajtsołtsi, ja'ni ti'etsoltsi oque', aimimajnconayacu anuli, jilpe teca'nena'mołtsi, ailopa'a co'eyacu.

26 Łonta'a Satanás ja'ni joupa ehuoc'huaipola' lif'as contahue, itsiya coła' aimi'hua limane.

27 'Ja'ni anuli cal xans ixpic'epa titsufaila' lejut'ł ocuena cal xans juaiconapa ipujfxi, ja'ni ixpic'epa tilonc'e'eta' li'huexi, ilque notsufaiya, ate'a tifi'eta' ilque cal xans ts'ipujfxi, tijouła' nipajnya titsufai'ma, tilonc'e'eta' li'huexi. Ja'ni aimifi'e, aimi'iya mitsufaiya lajut'ł, milonc'e'eya li'huexi.

28 'Iya' camilhuo' al linca: Jahuay lo'epa o lonespa cal xans, ti'i'ma timenc'e'ecom'me.

29 Ma le'a ja'ni aimimetsaicoyi lo'epa cal Espíritu Santo, ilniya aimilonc'e'enyacola' liłjunac'. Titai'me nulemma.

30 Tołta'a Jesús limipola' ilniya nonespá: “Jesús itsufaipa conta'a”.

31 Icuaiyunca qui'máma' jouc'a lipimaye Jesús. Ecaxoł'me łuna. Iłojf'i'me anuli cal xans tijoc'itsi Jesús.

32 Jesús ticusc'o nolojmay cajut'ł, timuc'iyale. Jilpiya timana' axpela' lan xanuc' ticutshuołanna tiquimf'eyi lomuc'ipola' Jesús. Timiyi:

—Co'máma' jouc'a lopimaye timana' łuna tehuehuo'.

33 Jesús timila':

—¿Naitsi cai'máma'? ¿Naiłne caipimaye?

34 Ehuelojm'mola' lan xanuc' nocutshuołanna, ticua:

—¡Tołcuejle! Jifa'a ticutshuołanna cai'máma' jouc'a laipimaye.

³⁵ Pe naihuejcopa ŁanDios, ilquiya aipima xans, o aipima caca'no', o ai'máma'.

4

¹ Mipa'a Jesús łema al cuecaj quin'nuhua', ipango'ma imuc'icona'mola' lan xanuc'. Efołunni juaiconapa axpela'. Jesús if'aj'ma anuli al barco. Icutshuai'ma jilpiya. Al barco texpef'que. Lan xanuc' efołumma łema caja.

² Juaiconapa imuc'i'mola' lan xanuc'. Ipalaico'ma lo'epa ŁanDios fa'a li'a łamats'. I'onfico'ma. Timila':

³—Ałquimf'eta' imanc':

'Icuai'ma litine cafaya, i'hua'ma cal xans tifata. Eca'nitsi lam fanuj trigo.

⁴Meca'ni lam fanuj trigo, oquej afane' lam fanu' ecangenni lane. Icuaiyunca lacał'hui naiyulpá, itejn-na'me.

⁵'Oquej afane' lam fanu' i'nif'cołaitsa lixmi capic, tipa'a ahuata łacamats'. Lam fanu' aiquicoł'mola' ila'mola'.

⁶Lijou'ma ipammaiyunni cal 'ora, linu' ipi'epola' lilapola' lam fanu'. Ijułnapola'. Aiquif'acaic' łime.

⁷'Hualca lam fanu' itsuc'huaita jilpe łitac'. Litoj'ma łitac', ejec'opola' laifa'. Aiquixpaj'ma.

⁸'Ocuenaye lam fanu' etojmołaitsa cal c'a camats'. Ila'mola', itoj'mola', i'ipola' quixpa. Anuli łajfanu' ipammaitsi anuxans quimbama', ocuena cal fanu' ipammaitsi afanej nuxans, ocuena'ya ipammaitsi amaxnu.

⁹Lijoupa luya'apa ile litaiqui', Jesús timila':

—Naitsi nocuejpa, alquimf'ela' iya' laitaiqui'.

¹⁰ Lijoupa liyeyoñapá lan xanuc', imanenca Jesús jouc'a limbamaj coquexi' y locuenaye ts'ilihuequi. Iñiya ixa'hue'me Jesús, timiyi:

—Lu'itsonga', luhualc'e'etsonga' ile lotaiqui'.

¹¹ Jesús timila':

—ŁanDios epalc'o'ipolhuo' imanc' lołpicuejma', tołta'a tołcuc'eyi lipime cataiqui'. IŁe lataiqui' tuya'e' lo'ipa petsi lan xanuc' tihuejcoyi ŁanDios, iłque cal Cuecaj Rey. Ocuenaye lan xanuc' petsi aimihuejcoyi ŁanDios, iłne ma le'a tiquimf'eyi. IŁe lataiqui' lo'onłicopa lo'epa ŁanDios iłne lan xanuc' aimi'iya mihualc'eyacu.

¹² Tołta'a ti'ila' to loya'apa al Paxi Linilngiya, ticua:

Ti'hua tehuelojnle, tijoułta' aimixinyacu.

Ti'hua tiquimf'ele, tijoułta' aimicuejyacu.

Ja'ni a'i tołta'a lił'ejma' tixhuej'menacu, ŁanDios timenc'e'eco'mola' lixcay li'epá.

¹³ Jesús ti'hua tipalaic'ola', timila':

—Ja'ni aicołcueca ile laitaiqui' lai'onłicopa lo'epa ŁanDios fa'a li'a łamats', ¿te co'iya mołcuc'eyacu ja'ni ca'onłico'ma xonca lo'epa ŁanDios?

¹⁴ 'Cal xans nofapa ti'onłcospa to iłquiya noya'apa litaiqui' ŁanDios.

¹⁵ Łamats' lane pe lechangeyonni lam fanu' ti'onłcospa to lan xanuc' iñiya ma le'a tiquimf'eyi litaiqui' ŁanDios. Aimicołya łonta'a Satanás. Ticuaihuo, tiłonc'e'e'mola' lataiqui' lifayipa liłpicuejma'.

¹⁶ 'Łaj huata łacamats' łopa'a lixmi capic ti'onłcospa to locuenaye lan xanuc' miquimf'eyi litaiqui' ŁanDios tixoqui quileta tepenufyi.

17 Ìe Lataiqui' aimifayiya liḗpicuejma', oquej fanej quitine tihuejcoyi. Ticuaiḗsi lixhuejma', o liḗ'as xanuc' tixtuc'ontsola' ìḗniya naihuejpa' litaiqui' ÌanDios, ìḗne aimicoḗyacola', tenajna'moḗḗsi, aimihuejconayacu.

18 'Ìamats' pe ḗopa'a ḗitac' litsuc'huaita lam fanu' ti'onḗcospa to locuenaye lan xanuc' noquimf'epá litaiqui' ÌanDios.

19 Ìḗne xonca tixhuej'mecoyi te co'iya muyalaiyacu lapajnya. Tifel'miyotḗsi, ticuayi: "Lulijle acuecaj caḗtomi. Toḗta'a luyalaico'me al c'a." O tixhuej'mecoyi te co'iya mulijyacu xonca quiḗ'huexi. Ma to ḗitac' ejec'opola' ḗaifa', a'ì quixpaj'ma, ma toḗ ìḗne lan xanuc' li'ipola'. Tama joupa ifapa liḗpicuejma' litaiqui' ÌanDios, tiḗmanemma toḗta'a, tocomma a'ì quilepenufi ìḗe lataiqui'.

20 'Cal c'a camats' pe lifampa ti'onḗcospa to locuenaye lan xanuc' noquimf'epá litaiqui' ÌanDios. Ìḗne tepenufyi ìḗe lataiqui', tipammoḗlaispa liḗpepajnya. Hualca ti'onḗcospa to ḗamats' petḗsi cal fanu' ḗipammaita anuxans quimbama', locuenaye petḗsi ḗipammaita afanej nuxans, locuenaye petḗsi ḗipammaita amaxnu.

21 Jouc'a timila':

—Imanc' molunai'i'me loḗpepalc'o',
aimoḗc'ommumijyacu alxpicoḗma c'ec, ni
aimoḗ'nicoyacu licu'u hualfa. Toḗ'nof'e'me pe
loḗxu'epa.

22 Ticuaihuo litine ti'huájta lemiya, jouc'a ti'huájnata letemiquiya, tixinim'me.

23 'Naitḗsi nocuejpa, aḗquimf'ela' iya' laitaiqui'.

24 Ti'hua timuc'iyale, tu'ila':

—Tołpo'nołe cuenna laifmipolhuo': Imanc' iłe lołspic'ecopola' locuenaye, tołta'a iłniya tepi'icona'molhuo'. Xonca axpe' tepi'im'molhuo'.

²⁵ Cal xans ts'i'hueca, xonca tepi'im'me. Łocuena, ja'ni aiqúi'hueca, texic'ena'me.

²⁶ Jouc'a tu'ila':

—Iłe li'ipa anuli cal xans łeca'nipa lam fanuj trigo łemats', ti'onłcospa to lo'ipa petsi ŁanDios cal Cuecaj Rey tijoc'ila' lan xanuc' tihuejle.

²⁷ Lijoupa łeca'nipa łitrigo, cal xans ti'hua tuyaijma lapajnya. Lipuqui' tixmay, litine titsahuemma, lam fanu' tilá, titoqui łafa'. Cal xans aiqúixina' te co'ipa mitoj'ma łafa'.

²⁸ Łamats' quituca' timaf'i'i' łafa'. Ate'a titoqui, tijouła' tixpaqui, tijouła' tumfumma lixpá, titoqui łifanu'.

²⁹ Lunta'amma lixpá cal xans ixina' joupa icuai'ma litine tefot'łeta cal trigo. Aimicołya, tetejta.

³⁰ Jouc'a tu'ila':

—¿Te cał'onłicoyacu lo'ipa petsi ŁanDios tijoc'ila' lan xanuc' timetsaicole, tihuejle iłque cal Cuecaj Rey? ¿Te ts'i'ic' mał'onłicoyacu?

³¹ 'Lo'ipa jilpe ti'onłcospa to lo'ipa cal fanu' sinapí. Mifam'me, i'huáqui tuquini łajfanu'. Petsi jahuay cal fanu' łofampa łamats', ailopa'a xonca caca'hua.

³² Lijoupa lifampa tila'ma, titoj'ma acueca' łafa'. Ailopa'a quitamqui mitoqui to iłta'a lifampa. Łimané itoqui, atsila'. Łacał'hui naiyulpá tunxajy-oyi jilpe lipunxahua.

³³ Ma to iłna'a łataiqué tołta'a juaiconapa i'onłico'ma lo'epa fa'a li'a łamats' ŁanDios cal

Cuecaj Rey. Lo'huajcocoyacola' liłpicuejma' tołta'a timuc'ila' Jesús.

³⁴ Ti'hua ti'onlihma iłe lo'epa ŁanDios. Aimi-palay acuajmaica. Jesús y ts'ilihuequi limanenca quilituca', iłque tuhuałc'e'ela' lataiqui'.

³⁵ Małe litine joupa if'acołaipā timila' ts'ilihuequi:

—Ałquełe al cuecaj quin'nuhua'.

³⁶ Jesús joupa icutshuaipa al barco. Ts'ilihuequi Jesús ipo'nom'mola' lan xanuc' lefołya jilpiya, if'ajli'me jouc'a al barco. Ipango'me iquie'me al cuecaj quin'nuhua'. Ocuenaye lam barco jouc'a tiquieyi.

³⁷ Aiquicoł'ma, i'hua'ma ujfxi łahua'. Itsahuenni laja', ic'ejmaitsi caja', imantsi al barco.

³⁸ Jesús tunouya lipo al barco. Tixmay, unaf'caipa al ponta quijahua'. Ts'ilihuequi ummef'me, timiyi:

—Momxi, ałma'a'monga' laja'. ¿Te aimāłsuełcocongā'?

³⁹ Jesús itsahuenni, itale'ma łahua', timi laja':

—Ch'ixca. Aimofe'necona'ma.

I-ch'ixco'ma łahua'. Ipanenni.

⁴⁰ Jesús timila' ts'ilihuequi:

—¿Te coxpailijcopolhuo'? ¿Te qui'ipolhuo'? ¿Te aimāł'huaiyinge'?

⁴¹ Ixpailijpola' juaiconapa iłniya ts'ilihuequi. Timiyoltsi:

—¿Nāitsi xans iłca'a? ¡Jouc'a łahua', laja ticuec'eyi iłque locuxe'epola'!

5

¹ Icuaitsa locuena lema caja jilpe lilemats' lan xanuc' gadareno.

² Ipanni Jesús al barco. Aiquicol'ma, icuaico'ma anuli cal xans qui'huayomma jilpiya lamuhuolanna lomanapola'. Ique cal xans litsufaipa conta'a.

³ Lipanga jilpe lamu'empola' lomanapola'. Aimi'iyá mifi'enyacu ni cadena catejma'.

⁴ Tifi'econni acadena, inic'e'econni atejma' li-mane li'mitsi'. Ique tits'alquinghua lan cadena, tixquetsufinghua latejma'. Ailopa'a cal xans ts'ipujfxi xonca. Ailopa'a nolijya.

⁵ Ipuqui' itine tipa'a pe lamu'empola' lomanapola', jouc'a pe lijualay, tija'e', tits'alyoxi capic, tix-cai'eyoxi.

⁶ Cal xans ixim'ma icuaico'ma Jesús aculi'. Aiquicol'ma, i'hua'ma italecuftsi, exc'onlingai'ma li'mitsi' Jesús.

⁷ Ija'a'ma ujfxi, timi:

—Jesús, ima' i'Hua cal Cuecaj LanDios Nopa'a lema'a, ¿te cocuaiyoco'ma? ¿Te ts'opic'a fa'a? Iya' cacuaj'mi'ma lipuftine LanDios, caxa'huehuo' aimalte'l'mi'ma.

⁸ Tohta'a linespa lonta'a. Jesús joupa imipa:

—¡Ima' monta'a, taipanni itca'a cal xans!

⁹ Jesús icuis'e'ma, timi:

—¿Te muftine?

Italai'e'e'ma, timi:

—LaiPUFTINE Legión. Illanc' ninc'xpela'.

(Lataiqui' "legión" tuya'e', ticua: Axpela'.)

¹⁰ Juaiconapa tixa'hue Jesús, timi:

—Aimalipa'a'monga' jifa'a.

11 Jilpe laquemala timana' juaiconapa axpela' lijná tehueyi quiltejua'.

12 Lontahue ixahue'me Jesús, timiyi:

—Lummetsonga' pe lomana' itne lijná. Jilpe altsuflaita lijná.

13 Jesús epi'i'mola' lane. Lontahue ipalunca itque cal xans, itsuflai'me lijná. Ihiya lijná timana' to oquej mil. Inul'me, imul'me al'ocay. If'alcołai'me laja'. Unxałac'mola'.

14 Lan xanuc' linhuic'ipola' quijnë inul'me. Jilpe liłpiya' jouc'a calx'huiyałma' uya'atsa ite' li'ipa. Lan xanuc' ipalunca tehuelojnta.

15 Icauitsa pe lopa'a Jesús, ixim'me cal xans, itque cołta litsufaipa axpela' contahue, ticutsu, ipo'nohuo lipijahua', i'ina pa lipicuejma'. Lan xanuc' ixpailij'mola'.

16 Itne niximpá li'ipa uya'a'me te qui'ipa lixałconapa cal xans, itque litsufaipa contahue. Uya'a'me te qui'ipola' lijná.

17 Lan xanuc' ipango'me ixa'hue'me Jesús tipanni hilemats', ti'huanła'.

18 Jesús if'ajna'ma al barco, ti'huaana'ma. Cal xans li'ipa litsufaipa contahue tixa'hue, timi:

—Ałhecoła' jouc'a.

19 Jesús aiquepi'i' lane. Timi:

—To'huanła' lomejutł, jilpe lomana' lopimaye. To'itsola' al cueca' li'e'epo' LanDios. Tomitsola' te ts'i'ic' liximpo' cuanuc'.

20 Cal xans i'huaana'ma, itsehuo'ma petsi lecu'i'impá: Limbamaj Quitelołya'. Jilpiya u'i'mola' lan xanuc' li'e'epa Jesús. Lan xanuc' ixim'me acueca' li'epa Jesús, ixpailij'mola'.

21 Jesús iquiecona'ma al cuecaj quin'nuhua'. Licuaiyocontsi al barco locuena łema, icuaitsa axpela' lan xanuc', efoť'le'moťsi anuli Jesús łema caja.

22 Jiłpiya icuaitsi anuli cal xans ipenic' lajut'ł pe lafołyomma lan xanuc'. Cuťtine Jairo. Lixim'ma Jesús, exc'onłingai'ma li'mitsi',

23 tixa'hue juaiconapa, timi:

—Łai'hua cahuats' juaiconapa textafque. Timana'ma. Łepá. Ma le'a toxpayaf'ta lomane, toxał'menna, ti'hua tipajnla'.

24 Iye'me Jesús jouc'a Jairo. Axpela' lan xanuc' ihuej'me. I'i'mola' atansca, titantsinni Jesús.

25 Jiłpe tipa'a anuli łaca'no' textafque. Imbamaj coque' camats' ti'hua cajuats' licu'u.

26 Itełcopa juaiconapa. Axpela' lin'e'ehuale cafxi iteł'mipá. I'najťsepola' iłniya, joupa ijou'nenapa li'hueca. Aiquixałma. Ti'hua titsípa licuana. Iłque łaca'no' icuejpa lo'epa Jesús.

27 Nolojmay xanuc' iłoc'huaipa lixpula' Jesús. Iłafc'e'e'ma lipijahua'.

28 Iłque tinesqui lipicuejma': "Ma le'a lipijahua' całafła', toťe ałsałcona'ma". Tot'łiya iłafc'e'epa lipijahua' Jesús.

29 Aiquicoł'ma, ipanenni licu'u. Ixim'moxi ixałconapa. Aimitelcoconaya.

30 Aiquicoł'ma, Jesús ixingufco'ma lipaxi ixał'meyalepa. Ipai'e'moxi nolojmay xanuc', icuis'e'mola', timila':

—¿Naitsi łal—lafpa?

31 Ts'ilihuequi italai'e'e'me, timiyi:

—Ima' oxina' jifa'a axpela' lan xanuc' titantsihuo', ¿te cofmicuitsufcopa: "¿Naitsi łal—lafpa?"?

³² Jesús ti'hua tehuetsale hijuihuay. Tehuay naitsi itque itafpa.

³³ Łaca'no' tixpaiqui juaiconapa, tiyu, iximpoxi ailopa'a quicuana. Itoc'huai'ma, exc'onlingai'ma li'mitsi' Jesús. Imi'ma Jesús al linca. Tuya'e' te ts'i'ic' lixałconapa, timi:

—Aitafpo' lopijahua'.

³⁴ Jesús timi:

—Mai'hua, ał'huaiyijmpa, toliya itxałconapo'. Aimoxhuelmot'le'ma. Itē al cuana aimiteł'miconayaco'.

³⁵ Ma mipalaic'o łaca'no', icuaiyunca lan xanuc' quiyouyomma lejut'ł Jairo, itque ts'ipenic' lajut'ł pe lafołyomma lan xanuc'. Timiyi Jairo:

—Joupa imanapa to'hua. ¿Te ti'hua cofxoc'icoya łomxi?

³⁶ Jesús icuej'ma lu'impa Jairo. Timi:

—Aimixpaij'mo'. Ma le'a ał'huaiyijnla'.

³⁷ Jesús ileco'mola' Pedro, Jacobo, jouc'a Juan, itque ipima Jacobo. Timila' locuenaye xanuc' aimiyocu.

³⁸ Icuaitsa lejut'ł cal xans, itque ts'ipenic' lajut'ł pe lafołyomma lan xanuc', Jesús ehuelojm'mola' lo'epa lan xanuc', tijolijyi, tija'ayi.

³⁹ Itsufai'ma lajut'ł, timila':

—¿Te colja'acopa? ¿Te coljolijcopa? Łahuats' aiqumac', ma le'a tixmay.

⁴⁰ Aiquil'aic' linca. Ma le'a ixoco'me. Jesús timila':

—Jahuay imanc' tolipalunca.

Ileco'mola' qui'ailli', qui'máma' łahuats', jouc'a lam fantsi ts'ilihuequi. Itsuflai'me pe lonouya łahuats'.

⁴¹ Jesús i'noł'e'e'ma limane łahuats', timi:

—Talitá kumi.

(Ihe lataiqui' lohualquemma ticua: Macahuats', camihuo', totsahuenni.)

⁴² Aiquicoł'ma, ľahuats' itsahuenanni, ipango'ma i'hua'ma. Ixhuaita imbamaj coquej ľemats'. Ihe lan xanuc' lixim'me li'ipa ixpailij'mola' juaiconapa.

⁴³ Jesús juaiconapa ixc'ai'i'mola', timila':

—Aimoluya'ata lai'e'epa ľahuats'. Nij naitsi nocuejya.

Lijoupa limipola' tołta'a, icuxe'e'mola', timila':

—Tołtes'mile ľahuats'.

6

¹ Jesús ipanni jilpiya, icuaitsi lipiľya'. Jouc'a ts'ilihuequi iye'me.

² Licuaitsi litine conxajya itsufai'ma lajut'ł pe lafoľyomma lan xanuc'. Jilpe ipango'ma imuc'iyale'ma. Licuej'me ihe litaiqui', axpela' lan xanuc' etenłcoco'mola', timiyolłtsi:

—Iłque cal xans, ¿naitsi lepi'ipa lipicuejma'?

³ ¿Te małque łinc'alhuałpa? O ¿a'i iłque? ¿Te iłque i'hua María? ¿Te a'i iłquiya iłpima Jacobo, José, Judas y Simón? Fa'a jouc'a timana' lipimaye cacal'no'.

Iłniya lan xanuc' aiquicuaitsi quilpic'a lo'epa Jesús, etets'i'me.

⁴ Jesús timila':

—Anuli cal xans łummepa ŁanDios, mipa'a ocuena quilya' pe lomana' locuenaye lan xanuc', iłniya ticuaispa quilpic'a lo'epa iłque. Tipainanni, ticuaitsi lipiľya' pe lomana' lixanuc', lopa'a lejut'ł, jilpe łınca tetets'íta.

5 Mipa'a Jesús lipiŷya' aiŷui'aic' cueca' jilpe. Ma le'a ixpayaf'mola' oquexi' afantsi lafcuallay, ixaŷ'me'mola'.

6 Ixim'mola' iŷne lipiŷya' xanuc' aiŷui'huaiyinge. Ixhuelco'ma juaiconapa.

I'hua'ma ehuentsole' laiŷuifelolŷya' anujnca. Jilpe imuc'itsola' lan xanuc'.

7 Iŷne litiné ijoc'i'mola' limbamaj coquexi' ts'ilihuequi. Iŷne icuaiyunca, ipango'ma umme'mola' tiyeŷe oquexi' oquexi'. Epi'i'mola' liŷmane tipa'atsa lontahue.

8 Tixc'ai'ila', timila':

—Tonŷeŷe, toŷtai'me ma le'a loŷpaluc. Aimoŷtai'me cumla'i. Aimoŷ'nij'mi'me tomí jilpe loŷfi'ejma loŷcu'u.

9 Toŷc'uaicole loŷc'ejí. Aimoŷpo'no'me oque' loŷtsamalo, ma le'a anuli.

10 Lajut'i petŷi tepenuŷtsolhuo', moŷmana' jilpiya liŷya', maŷpe toŷmajntsa.

11 Ja'ni toŷcuaitŷa petŷi aimepenuŷfinnilhuo', ni aimiquimf'ennilhuo', imanc' tulunaŷle loŷ'mitsi', tipanni iŷque ŷamats' litaijmpa loŷc'ejí'. Toŷta'a ti'ila' quiŷsina' ma iŷne quiŷtuca' ti'najtŷe'me liŷjunac'.

12 Ts'ilihuequi ipalunca, uya'a'me Lataiqui' loya'apa iŷe al c'a lixpíc'epa LanDios. U'iyale'me tixhuej'menanca lixcay lo'epa.

13 Ipa'a'me axpela' lontahue. I'ot'li'me laceite axpela' lafcuallay. Iŷniya ixaŷcona'mola'.

14 Ni petŷi lomana' lan xanuc' tipalaicoyi lo'epa Jesús. Cal rey Herodes jouc'a icuej'ma lo'epa. Timana' lan xanuc' nocuapá:

—Jesús iŷquiya aJuan Bautista, joupa imaf'inapa ipanamma pe lomana' limanapola'. Toŷta'a juaiconapa apaxi iŷque, ti'ay acueca'.

15 Ocuenaye ticuayi:

—Ihque aElías, icuaiyocona'ma fa'a li'a lamats'.

Ocuenaye ticuayi:

—Ihque aprofeta lummepe LanDios, ti'onlcospa to lam profeta limajmpá fa'a luyaipa quitine.

16 Li'i'ma quixina' Herodes ihe lonespa lan xanuc', ihque ines'ma:

—Ihque ma Juan Bautista. Linca aicuxe'ma etec'em'me lejoc', joupá imaf'inapa.

17-18 Herodes joupá exic'e'epa lipeno lipima Felipe. Ihquia laca'no' cuftine Herodías. Ilecopa. Juan timi Herodes: “O'epa quixcay. ¿Te comexic'e'ecopa lipeno lopima? ¿Te colecocopa? Ihque a'i copeno. Ipeno lopima.” Juan limi'ma tohta'a ixtunni Herodes. Icxepa i'notintsa, ifi'entsa, itats'entsa.

19 Laca'no' Herodías ti'ay quipilaic' Juan. Ijanaj'ma tima'anle. Aiqui'ic'.

20 Cal rey Herodes tixpaic'e Juan. Imetsaico'ma ac'a xans. I'epa cuenna. Ti'hua tiquimf'e lonespa Juan. Tama aiquicueca, ticuaispa quipic'a litaiqui' Juan.

21 Herodías joupá iximpa lo'eya tima'anle Juan.

Herodes lixhuaita lemats' i'e'ma juic. Ihiya lipuqui' titetsoyi anuli lijoc'ipola', ihe lan tsila' quipenic', jouc'a lincuxepá soldado, jouc'a lan tsila' xanuc' nomana' al distrito Galilea.

22 Jilpiya lefoŷya itsufai'ma li'hua caca'no' Herodías. Ixau'ma. Icuaitsi quipic'a Herodes jouc'a lijoc'ipola', ihe nocutshuolanna jilpiya. Cal rey timi lahuats': “Alsahue'ela' jale ts'opic'a, capi'i'mo”.

23 I'e'ma jurar, icuaj'moxi: “Ite lahsahue'eya, tama ti'ila' onlca laifcuxepa, capi'i'mo”.

24 Ipanni lahuats'. I'hua'ma, icuaitsi pe lopa'a qui'máma', timi: “¿Te caifxahue'eya?” Qui'máma' timi: “Toxahue'etsi tepi'intso' lijuac Juan, tetoj'minle al cuecaj pime”.

25 Aiquicoł'ma, lahuats' ipanni, i'huacona'ma ix-intsi cal rey. Ixahue'e'ma, timi: “Lapi'ila' lijuac Juan Bautista, to'nij'miła' anuli al pime”.

26 Cal rey ixhuełconni juaiconapa. ¿Te co'eya? Aimi'iya micuanac'eya loxahue'epa lahuats'. Lan xanuc' nocutshuołanna jilpiya joupa icuejpa licua-jpoxi.

27 Aiquicoł'ma, umme'ma anuli hsoldado, icuxe'ma, timi: “Totaitsi lijuac Juan”. Cal soldado i'hua'ma, icuaitsi la carza, etec'etsi lejoc' Juan,

28 i'nij'mitsi al pime lijuac, uhui'i'ma lahuats'. Lahuats' i'hua'ma pe lopa'a qui'máma', uhui'itsi.

29 Ts'ilihuequi Juan icuej'me tołta'a li'ipa. Icuaitsa pe lima'ayompa Juan, itaina'me licuerpo, emunatsa.

30 Ts'ilihuequi Jesús icuainanca pe lopa'a Jesús, efot'lecona'mołtsi. Joupa iyehuo'me uya'a'huo'me Lataiqui' loya'apa ile al c'a lixpica'epa LanDios. U'i'me jahuay li'ehuo'me, jahuay limuc'iyalehuo'me.

31 Jesús timila':

—Łepá illanc' caltuca'. Łepá pu'huanni pe ailopa'a quiłya'. Lunxajta.

Jilpe pe lomana' Jesús jouc'a ts'ilihuequi, lan xanuc' tilcuaispa, tiyenayi. Aimi'iya mitetsoyacu, ni Jesús ni ts'ilihuequi.

32 If'ajli'me anuli al barco, iye'me quilituca' ticuaitsa pe ailopa'a quitya'.

33 Axpela' lan xanuc' quiyouyomma jahuay hileloŷya' ixinim'mola' lif'ajli'me al barco. Imet-saico'mola'. Ihne lan xanuc' iye'me, inul'me, icuaitsa ate'a pe lotseyacu Jesús jouc'a ts'ilihuequi.

34 Jesús jouc'a ts'ilihuequi icuaitsa locuena quema caja, ipalunca al barco. Jesús lixim'mola' ihne axpela' lan xanuc' efot'leyoŷtsi jilpiya, ixim'mola' acuanuc'la. Ixim'mola' to lam mot'ŷ, ihne lam mot'ŷ lahue'epola' quipoujna. Ailopa'a nohuic'iyacola'. Ipango'ma imuc'i'mola'. Axpe' lataiquí imuc'i'mola'.

35 Joup'a if'acolaipa, ts'ilihuequi Jesús ihoc'olaime, timiyi:

—Jif'a'a ailopa'a quitya'. Joup'a if'acolaipa.

36 Tommetsola' lan xanuc' tiyeŷe. Pu'huanni calx'uiyaŷma' o hileloŷya' ti'nata lotejacu.

37 Jesús timila':

—Imanc' toŷtes'mitsola'.

Italai'e'e'me, timiyi:

—Ticuicomma axpe' la'i, lipitali to lolijya cal xans no'eya canic' apaicoj mut'la. ¿Te tipa'a caltomí al'nacota toŷta'a la'i? Aimi'iya maŷtes'miyacola'.

38 Jesús icuis'e'mola', timila':

—¿Tojua tipa'a la'i? Tonŷeŷe, toŷsintsa.

Iye'me, ixintsa. U'icona'me, timiyi:

—Tipa'a amaque' la'í, jouc'a oquexi' latuye.

39 Jesús icuxe'e'mola' ts'ilihuequi ticuxe'entsola' lan xanuc' ticuŷolaile jahuay jilpe calxhuaica pajac.

40 Enaj'mołtsi lan xanuc' amaxnu amaxnu, jouc'a oquej oquej nuxans quimbama', icutshuołai'me.

41 Jesús epef'ma lan maquej la'í jouc'a loquexi' latuye, ehuenaf'ma lema'a, ix'najtsi'i'ma LanDios. Ixquenuf'ma ła'i, epi'i'mola' ts'ilihuequi, iłne eca'nem'mola' lan xanuc'. Jouc'a loquexi' latuye ixquenuf'mola', epi'i'mola' lan xanuc'.

42 Jahuay itetso'me, ixhuaitsola'.

43 Ts'ilihuequi efot'łena'me lipanecomma ła'i jouc'a latuye. Imantsi imbamaj coque' lan tsiquihuit'ł.

44 Lan xanuc' litetso'me tixhuaispola' oquej nuxans quimbamaj maxnu. Jouc'a timana' ła'cał'no', la'uhuay.

45 Aiquicoł'ma, Jesús icuxe'e'mola' ts'ilihuequi tif'ajłite al barco, tiquiełe al cuecaj quin'nuhua', ticuaitsa pe lopa'a ła'ya' Betsaida.

46 Iłque ixc'ai'ina'mola' lan xanuc', if'aj'ma ła'juala, tipalaic'ota LanDios.

47 Muyalaicoyi ts'ilihuequi icuaitsa nolojmay quin'nuhua' imufc'o'ma. Jesús tipa'a ła'mats' quituca'.

48 Jılpe ehuelojm'mola' ts'ilihuequi nomana' al barco. Ixim'mola' juaiconapa tipa'ayi cafxi tiquiełe, aimi'i miquieyi. Italecuf'me ła'jfxi cahua'. Al fanej hora lipuqui' joupa uyaipa, tehue'e' micuaiya al camts'us 'hora. Icuaiico'ma Jesús ti'huayaf'que laja'. Icuaitsi pe lopa'a al barco, ti'hua mi'hua, tocomma tuyaicota.

49 Ts'ilihuequi ixim'me, ticuayi: “Acuecaj quinxpaic'ale”. Ija'a'me.

⁵⁰ Jahuay ixim'me. Ixpailij'mola' juaiconapa. Jesús aiqicoḥ'ma, ipalaic'o'mola', timila':

—Aimixpailij'molhuo'. Toḥ'etsotsi acueca' ḥolunxajma'. Ma iya'.

⁵¹ If'aj'ma al barco pe lomana' ts'ilihuequi. I-ch'ixcona'ma ḥahua'. Ixim'me acueca' ḥe li'epa Jesús. Aiquiḥcueca.

⁵² Tama joupa iximpá al cuecaj li'epa Jesús ḥe litine lites'mi'mola' lan xanuc', ite'me ḥa'i, ḥne ts'ilihuequi aimicuec'eyi. Amuf liḥpicuejma'.

⁵³ Lijou'ma liquie'me al cuecaj quin'nuhua', icuaitsa ḥamats' Genesaret. Jiḥpiya ifijm'me al barco.

⁵⁴ Ipalnanca. Aiquicoḥ'ma, lan xanuc' imet-saico'me Jesús.

⁵⁵ Ni petsi jiḥpe ḥamats' icuej'me lan xanuc': “Icuai'ma Jesús, pu'hua o ḥu'hua tipa'a”. Iyec'olaitsa tehueyi Jesús, ḥḥaic' lilefcualḥay tunaf'coḥanna liḥpuxcuif'que.

⁵⁶ Jiḥpiya lan tsocay quiḥelotya', o lan tsila' quiḥelotya', o calx'huiyaḥma', ni petsi licuaitsi Jesús, lan xanuc' ḥḥaic' lilefcualḥay jiḥpe pe lafoḥyoya. Tixahue'eyi Jesús tepi'itsola' lane lilefcualḥay tiḥaḥle, tama ma le'a liḥpijahua'. Jahuay niḥafpá, tixaḥconala'.

7

¹ Lam fariseo icuaitsa pe lopa'a Jesús, jouc'a icuaitsa lomxiye nomuc'iyalepá locuxepa ḤanDios. Ḥne quiyoyomma al cuecaj quiḥya' Jerusalén.

² Ti'huilaic'oyi lo'epa ts'ilihuequi Jesús. Tic-uayi: “Ḥne titetsoyi aiqilulahua al c'a liḥmane'. Aimepenufyacola' ḤanDios.”

³ Lan xanuc' fariseo tihuejyi lihtatahueló li'ejma'. Tepajyi lihtane' ticuaispa lihtuxluc.

⁴ Miye'me laplaza, miyelocota, micuainacu lile-jut' ate'a tepo'me, tijoula' titetso'me. Tihuejyi axpe' qui'ejma'. Tipa'a li'ejma' mepaj'me lihpime, lihtcatsitu, lilepixú, lolanc'ecompa atejma' cuftine acobre, jouc'a lihtualfa. Ticuayi: "Tohta'a ipic'a LanDios".

⁵ Ine icuis'e'me Jesús, timiyi:

—Ine lihuejhuo', ¿te co'ecopa aimihuejyi la'ejma' ite lahtuc'iponga' lahtatahueló? Mane titetsoyi, aimepajyi al c'a lihtane'.

⁶ Jesús italai'e'e'mola', timila':

—Imanc' ma le'a tonl'e'eyohtsi to unc'ic'a xanuc'. Luyaipa quitine cal profeta Isaías uya'a'ma linespa LanDios te ts'i'ic' lohtpicuejma'. Ticua: Ine lan xanuc' ahtmi: "Ima' malanDios", ma le'a tipalohtaiyi.

Ihtniya aimahcuc'e, ma ti'eyi quihtuca' ts'ihpic'a.

⁷ Tama laxc'onhtingaita' aicapenufila', itne timuc'iyaleyi ma le'a locuxepa lan xanuc', a'i laifcuxepa.

⁸ Toht lohtpicuejma' imanc', tolatets'iyi LanDios, tolihuequila' lan xanuc' li'ejma'.

⁹ Jouc'a timila':

—Imanc' xonca tolihuequila' lohtatahueló li'ejma', tohta'a tolatets'iyi litaiqui' LanDios.

¹⁰ Moises icuxepa: "Taihuejco'mola' co'ailli', co'máma', tohtoc'i'mola'". Jouc'a icuxepa: "Cal xans nomipola' cataiqui' qui'ailli' qui'máma', tipa'a li-junac'. ¡Tima'ante!"

¹¹ Imanc' ituca' lohtuc'iyalepa. Ja'ni anuli cal xans timitsola' qui'ailli', qui'máma': "Aimi'iya

catoc'iyacolhuo'. Jahuay hai'huexi joupa nenajpa, iŕe catsufco'ma ÑanDios.”

¹² Imanc' toŕcuayi: “Ne', iŕque aimitoc'i'mola' qui'ailli' qui'máma”.

¹³ 'Iŕe lataiqui' lolihuejpa ma le'a liŕtaiqui' loŕtatahueló limuc'ipolhuo', iŕiya coŕmuc'ipola' lan xanuc'. Ma' anuli toŕta'a axpe' tonŕ'eyi. Litaiqui' locuxepa ÑanDios toŕsinyi to nij naitŕi cataiqui'.

¹⁴ U'iconamola' lan xanuc' leŕfoŕŕepoŕtsi jiŕpiya, timila':

—¡Aŕquimf'eŕa' anuli anuli imanc'! ¡Aŕcuc'eŕa'!

¹⁵ Fa'a li'a ŕamats' tipa'a iŕe pe imanc' lolacui'ipa axujc'a. Iya' cacua a'i. Ja'ni anuli cal xans titela', ti'nicola' lico, tinuc'la', ailopa'a co'iya, aimixis'meyacoxi. Al xujc'a laipa'aya lipicuejma' cal xans, iŕe linca tixis'me'ma.

¹⁶ Naitŕi nocuejpa, aŕquimf'eŕa' iya' laitaiqui'.

¹⁷ Jesús ipo'no'mola' quiŕtuca' lan xanuc', itsufai'ma lajuŕŕ. Ts'ilihuequi ixa'hue'me tuhuaŕc'e'etsola' iŕe lataiqui'.

¹⁸ Timila':

—¿Te imanc' jouc'a ailopa'a coŕpicuejma'? Cal xans no'nicopa lico al xujc'a, tinuc'a, aimixis'meyacoxi toŕta'a. ¿Te aicoŕcuc'ea?

¹⁹ Iŕe loyaicopa lico, aimitsufaiya lipicuejma'. Ticuaispa licu'u, tijouŕa' tipanamma.

Minesqui toŕta'a Jesús ipalaicopa ŕotempa fa'a li'a ŕamats'. Ticua jahuay iŕe ac'a. Aimi'iya minesyacu: “Iŕe axujc'a, aimi'iya catec'oya”.

²⁰ Ti'hua timila':

—Al xujc'a laipa'apa lipicuejma', iŕe linca tixis'me'ma cal xans.

21 Jilpe liłpicuejma', lan xanuc' tixpic'eyi ti'ele al xujc'a. Tihuennaiquila' cacal'no', tinantseyi, tima'ahualeyi, tixhuicoyi liłpenoye liłf'as xanuc',

22 tijanajyi ti'huejle xonca, ti'eyi al xujc'a liłf'as xanuc', tifel'miyaleyi, tipalaiyi o ti'eyi petsi aimetenłcocojma, ti'e'ehualeyi laic', tinescoyi liłf'as xanuc', tetets'iyaleyi, tixinyołtsi xonca lan tsila' xanuc', ti'eyi pangay camac'ta.

23 Jahuay ilna'a tipa'a liłpicuejma'. Ja'ni tipa'ate, ti'ele tołta'a, tixis'me'mołtsi, ti'e'e'mołtsi xujc'a.

24 Jesús ipanni jilpiya. I'hua'ma icuaitsi łamats' huejnca liłya' cuftine Tiro. Itsufai'ma anuli lajutł. Ticua: Nij naitsi nocuejya.

25 Anuli łaca'no' icuej'ma jilpe tipa'a Jesús. Icuaitsi, exc'onłingai'ma li'mitsi' Jesús. Ilque łaca'no' tipa'a li'hua cahuats' litsufaipa conta'a.

26 Łaca'no' a'i judía, qui'huayomma małpiya łamats' cuftine Sirofenicia. (Lan xanuc' judío tetets'innila' ilniya lun Sirofenicia. Tecui'innila' atsilqui.)

Łaca'no' tixahue'e tipa'ala' łonta'a, tixał'mela' li'hua.

27 Jesús timi:

—Ate'a altes'mi'mola' lałnaxque'. Alłoc'itsola' lałxanuc'. ¿Te ja'ni ac'a lał'eyacu laxic'e'mola' il'e'i la'uhuy, tijoułta' laca'ni'i'mola' lan tsilqui?

28 Łaca'no' titalai'e'e, timi:

—Mapoujna, tama al linca lofnespa, iya' cacua lan tsilqui titeji łaiquepi' ca'i łopa'a licu'uj mesa, loc'aılpa la'uhuy.

29 Jesús timi łaca'no':

—Ilta'a lałmipa icuaicota caipic'a. Ma to'huanłta'. Łonta'a joupa ipanamma ło'hua.

³⁰ Łaca'no' i'huana'ma, icuainatsi lejut'ł ixim'ma li'hua tunouya. Łonta'a joupa ipanamma.

³¹ Jesús ipanni pe lopa'a liŷya' Tiro, uyaicotsi liŷya' Sidón, jouc'a pe lopa'a Limbama' Quihelolŷya'. Icuaicontsi al cuecaj quin'nuhua' Galilea.

³² Jiłpiya i'hua'a'me anuli cal xans atape, afule mipalay, ata'ay. Ixa'hue'me Jesús tixpayaf'la' ilque cal xans.

³³ Jesús ileco'ma lijuqueya jiłpe pe ailopa'a xans. Ecajm'mi'ma lidedó anuli anuli lix'mats'i' cal xans. Itsułof'i'ma hiłal cal xans.

³⁴ Ehuenaf'ma lema'a, ixnalif'ma acueca' timi:

—¡Efata!

Iłe lataiqui' locuajmaispa ticua: ¡Texinanni!

³⁵ Aiquicoł'ma. Cal xans iximpoxi exinamma lix'mats'i', ux'masquenanni hiłal. Ipango'ma ipalai'ma ac'a.

³⁶ Jesús icuxe'e'mola' lan xanuc' aimuyout'łe'me. Nij naitsi nocuejya. Iłniya aimicuec'eyi. Tama Jesús timila': "Aimuluyout'łe'me, nij naitsi locuejya", iłne lan xanuc' xonca tuya'ayi lo'epa.

³⁷ Imetsaico'me acueca' juaiconapa lo'epa Jesús. Ticuayi:

—¡Tołsinte! Tixał'menala' lan tałpe iłne ticuejnyai. Tixał'menala' jouc'a lan ta'ay, iłne tipalainayi ac'a. Jahuay lo'epa juaiconapa ac'a.

8

¹ Jiłne litiné lan xanuc' efołconanni pe lopa'a Jesús. Ailopa'a cotejacu. Jesús ijoc'i'mola' ts'ilihuequi, timila':

2 —Iya' caxinnila' cuanuc'la iñe lan xanuc'. Joupa ixhuaita afane' quitine małmana' fa'a, iya' jouc'a iñniya.

3 Timana' quiyouyomma aculi'. Aiquiłtesma. Aimi'iya miyeyacu. A'i cummeyacola'. Ticuaitsa nolojmay cane timatola' cumemma.

4 Ts'ilihuequi italai'e'e'me, timiyi:

—Jifa'a ailopa'a quıya'. ¿Petsi całtac'ueyacu ła'i tinajntsola' iñniya lan xanuc'?

5 Jesús icuis'e'mola', timila':

—Imanc', ¿tojua mimana' lola'í?

Iñe italai'enca, timiyi:

—Tipa'a acaitsi lala'í.

6 Jesús icuxe'e'mola' lan xanuc' ticutshuołaike łamats'. Epenuf'ma lan caitsi la'í, ix'najtsi'i'ma ŁanDios, ixquenuf'ma ła'i, epi'i'mola' ts'ilihuequi. Iñniya eca'nem'mola' lan xanuc'.

7 Timana' jouc'a oquexi' afantsi laicatuye. Jesús ix'najtsi'icona'ma ŁanDios, timila' ts'ilihuequi:

—Tolaca'netsola' lan xanuc'.

8 Jahuay itetso'me. Inajntsola' al c'a. Lefot'le'me lipanecomma, imantsi acaitsi lan tsangay.

9 Iñe lan xanuc' litetso'me tixhuaispola' to oquej nuxans maxnu.

Jesús ixc'ai'ina'mola'.

10 Aiquicoł'ma, if'ajli'me al barco jouc'a ts'ilihuequi. Iye'me icuaitsa łemats' liya' cuftine Dalmanuta.

11 Icuaiçonanca lan xanuc' fariseo. Ipango'me icuis'mot'łeçona'me Jesús. Ixa'hue'me ti'eła' al cueca', iłe to lo'eya ŁanDios. Tehuaiyi.

12 Jesús ixnalif'ma acueca', ticua:

—Lan xanuc' nomana' itsiya, ¿te calsa' huecopa ca'e'la' al cueca'? Iya' cacua: Linca aicamuc'iyacola', ni to'ta'a.

¹³ Ipo'no'mola' quiltuca', if'ajcona'ma al barco. Iye'me, iquie'me al cuecaj quin'nuhua'.

¹⁴ Ts'ilihuequi aiquiltaic' ca'i. Imenc'ecopá.

¹⁵ Jesús ixc'ai'i'mola' ihniya, timila':

—To'po'no'te cuenna. Aimolapenuf'me hilevadura lan xanuc' fariseo, ni hilevadura cal rey Herodes.

¹⁶ Ihne aiquilcueca ile limipola' Jesús. Timiyot'si:

—¿Te calmicoponga' to'ta'a? O ¿al'minga': "Imanc' olimenc'ecopá, aicoltaic' ca'i"?

¹⁷ Jesús ixina' lonespa, timila':

—Imanc', ¿te colnescopa: "Ailopa'a cala'i"? ¿Teaicolcueca laimipolhuo'? ¿Te aicolapaic' cuenna lai'epa? O ¿i'ipolhuo' muf lo'picuejma'?

¹⁸ ¿Te unc'ifohue? ¿Te aimot'sinyi lo't'u'? ¿Te unc'italpe? ¿Te aimot'cuejyi lo't'smats'i'? ¿Te olimenc'ecopá lai'epa?

¹⁹ Lu'ila': Ji'pe litine laixquenuf'ma lam maque' la'í lolaca'nepola' ihne lam maquej mil lan xanuc', ¿tojua lan tsiquihuit'í lo'ma'ne'me lipaneconni?

Italai'e'e'me, timiyi:

—Imbamaj coque'.

²⁰ —Laixquenuf'ma lan caitsi la'í lolaca'nepola' lam malpuj mil lan xanuc', ¿tojua lan tsangay lo'ma'ne'me lipaneconni?

Italai'e'e'me:

—Acaitsi.

²¹ Timila':

—Itsiya, ¿te aimi'iya mot'cuc'eyacu?

22 Icuaitsa liŷya' Betsaida. Icuai'e'entsa Jesús anuli cal fo'. Ixa'hue'me tixpayaf'la' li'u' cal fo'.

23 Jesús exaŷ'ma cal fo', iye'me lema quiŷya'. I'otli'ma hitsulu li'u', ixpayaf'ma limane, icuis'e'ma, timi:

—Itsiya, ¿te nipajnya tahuetsale? ¿Toxina?

24 Cal xans ipango'ma ehuet sale'ma, timi:

—Caxinnila' lan xanuc', tiyelocoyi. Ti'onŷcospola' to lan 'ec'.

25 Jesús ixpayaf'cona'ma li'u' cal xans. Iŷque ixim'moxi exilinamma li'u'. Ehuetsale'ma. Tehue-longe jahuay.

26 Jesús umme'ma ti'huanŷa' lejutŷ, timi:

—Aimotsufai'ma liŷya'. Aimo'itola' lan xanuc'. Nij naitsi nocuejya li'ipo'.

27 Jesús jouc'a ts'ilihuequi iye'me, ticuaitsa ŷaiquifeloŷya' lomana' jilpe al distrito cuftine Cesarea de Filipo. Miyeyi lane Jesús ticuis'ela', timila':

—¿Te conespa lan xanuc'? ¿Naitsi iya'?

28 Italai'e'e'me:

—Timana' nocuapá ima' umJuan Bautista. Ocuenaye ticuayi ima' umprofeta Elías. Ocuenaye tinesyi ima' mocuenaj profeta.

29 Icuis'econa'mola':

—Imanc', ¿te coŷnespa? ¿Te coŷcuapa? ¿Naitsi iya'? Pedro italai'e'e'ma, timi:

—Ima' unCristo. LanDios ummepo'.

30 Jesús u'i'mola':

—Aimolu'i'mola' lan xanuc'. Nij naitsi nocuejya.

31 Ipango'ma imuc'i'mola' loyaicoya. Timila':

—Iya' iŷque cal Xans ŷiximpa cal profeta pu'hua lema'a. Catelco'ma juaiconapa. Lan tsila' xanuc'

noxpíjpa' lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa ËanDios, ìhniya latets'i'ma, ałcu'ma alma'anła'. Afanej quitine camaf'ina'ma, catsahueno.

³² Acuajmaica u'ipola': "Alma'a'ma". Pedro aiquicuaitsi quipic'a ìe lines'ma Jesús. Ixoulai'ipa, itale'ma, timi:

—¿Te cofnescopa tołta'a?

³³ Jesús ipai'e'moxi, ehuelojm'mola' ts'ìlihuequi, itale'ma Pedro, timi:

—To'huanła'. Tanajxoxi fa'a. Ima' topalay ma to minesqui łonta'a Satanás. Ima' toxpíc'e to mixpic'eyi lan xanuc'. Ituca' tixpic'e ËanDios.

³⁴ Ijoc'i'mola' lan xanuc' jouc'a ts'ìlihuequi tiquimf'efe, timila':

—Cal xans ja'ni ipic'a lihuejla', aimicuxe'moxi quituca'. Iya' lapałts'inginna lancruz. Naitsi nali-huejya titaila' lencruz jouc'a. Tixpic'ela' ticuxoxi titełcoła'. Tołta'a lihuejla'.

³⁵ Cal xans ja'ni ti'exoxi cuenna juaiconapa, ja'ni aimicua mitełcoya, ìłque cal xans tecani'e'moxi. Cal xans ts'ipic'a tihuejla' Lataiqui' loya'apa ìe al c'a lixpíc'epa ËanDios, tołta'a lihuej'ma iya', ìłque ìinca tìcu'moxi latełcoya. Tama tima'anłe, ìłque tulij'ma lipitine aimijouya.

³⁶ Cal xans nolijpa jahuay lopa'a fa'a li'a łamats', tijouła' tecani'exoxi, ¿te tixhuico'ma ìe lulijpa?

³⁷ ¿Nipajnya ti'najtse'ma tunłu'ela' ìi'alma? A'i, aimi'iya.

³⁸ 'Itsiya litine lan xanuc' enajpołtsi ËanDios, ti'eyi al xujc'a. Cal xans noximpa calaic'ata, ja'ni tinesla': "Ìhne laif'as xanuc' lahuelonge, aiquihuejya Jesús, aicapenufya litaiqui', aimi'iya";

litine cacuaiconanni fa'a li'a lamats', iya' jouc'a aicapenufya itque cal xans. Iya' itque cal Xans Liximpa cal profeta pu'hua lema'a'. Cacuaiy-oconno. Alcuaiconacu iya' jouc'a lam paxi capaluc' quema'a. Jitpe litine alsim'ma ninCueca' ma to LanDios cai'Ailli'.

9

¹ Ti'hua timila':

—Iya' camilhuo' al linca: Jifa'a timana' lan xanuc' tixim'me, timetsaico'me lo'eya LanDios micuxe fa'a li'a lamats'. Tohta'a tixim'me ai'a tima'mola'.

² Luyaipa acamts'us quitine Jesús ileco'mola' Pedro, Jacobo jouc'a Juan. Tiyeyi ma quituca'. If'ajli'me li'nof'quiya hijuala. Mehuelojnyi Jesús itque ipaicomma lixans.

³ Lipijahua' i'i'ma afujca juaiconapa, tunts'iflay. Fa'a li'a lamats' tama tepajle lijahua' aimi'iya mi'onhiyacu tohta'a.

⁴ Ts'ilihuequi Jesús ixim'me imaxcaitsola' lam profeta Moisés jouc'a Elías. Tipalaic'oyi Jesús.

⁵ Pedro timi Jesús:

—Momxi, jac'a fa'a małmana'! Ahanc'e'me afanej lihuoxqui, anuli ima', anuli Moisés, locuena Elías.

⁶ Pedro aikuixina' te ts'i'ic' ile licuapa, ma le'a tipalay. Ihe lam fantsi ts'ilihuequi Jesús ix-pailij'mola' juaiconapa.

⁷ Ixim'me ipoxc'i'mola' cummahuay. Icuej'me tipalay małpe łummahuay, timila':

—Itca'a ai'Hua, ca'ay capic'a juaiconapa. Tołquim'ete itque lonespa.

⁸ Ehuelojncona'me Jesús, itque tecaxu quituca'. Moisés y Elías ailomana'. Ma ejac'na'mola'.

⁹ Mimulnamma hijuala Jesús ipalaic'ocona'mola', timila':

—Iya' itque cal Xans Liximpa cal profeta pu'hua lema'a, ma capa'a fa'a li'a lamats' aimoluya'ata lohsimpa jilpe hijuala. Nij naitsi nocuejya. Alma'a'ma, catsahuenahuo quipayonahuo pe lomana' limapola', tijoula' ti'ila' tohta'a tolu'i'mola' lan xanuc'.

¹⁰ Ine ts'ilihuequi Jesús ma quituca' tipalaic'oyołtsi, i'nujuaista ite lixinghuo'me hijuala. Ticuis'eyołtsi:

—¿Te cataiqui' lonespa Jesús? Ticua: “Catsahuenahuo, quipano pe lomana' limapola”.

¹¹ Icuis'e'me Jesús, timiyi:

—Lomxiye nomuc'iyalepá locuxepa LanDios ticuayi: “Ate'a Elías ticuaiyoconno fa'a li'a lamats'. Tijoula' ticuaihuo cal Cristo.” ¿Te conescopa tohta'a?

¹² Jesús timila':

—Al linca lonespa itniya lomxiye itne nocuapá: “Ate'a ticuaihuo Elías. Itque tixanu'ma jahuay.” Jouc'a tipa'a liniliya loya'apa te ts'i'ic' laifnuyaicoya iya'. Iya' itque cal Xans Liximpa cal profeta pu'hua lema'a. Tuya'e' iya' cateico'ma juaiconapa, lan xanuc' latets'i'ma.

¹³ 'Iya' camilhuo', joupa i'huamma Elías. Lan xanuc' ma to lixpicepa tohta'a i'e'epá itque. I'e'epá ma to muya'e' jilpe al Paxi Cataiqui' Linilingiya.

¹⁴ Icuaitsa pe lomana' locuenaye ts'ilihuequi Jesús, jilpe ixim'me juaiconapa axpela' lan xanuc' efoł'leyołtsi canumicay. Jouc'a timana' lomxiye nomuc'iyalepá locuxepa LanDios. Ine lomxiye ti-fuli'iyi cataiqui' ts'ilihuequi Jesús.

¹⁵ Lixim'me Jesús lan xanuc' ixoconni quileta. Aiquicoł'mola', iyouyunca, inontsa.

16 Jesús icuis'e'mola' lomxiye nomuc'iyalepá locuxepa ŁanDios, timila':

—Imanc', ¿te colicuis'epola' iħne lalihuequi?

17 Jiłpiya lefołya anuli cal xans ipalai'ma, timi Jesús:

—Momxi, ailec'mehuo' łai'hua. Itsufaipa conta'a. Ĩque łonta'a i'e'epa ata'ay.

18 Łonta'a mulij'ma łai'hua tecanghuaispa. Ti-joułá' łai'hua ti'i quipehuoxco lico, ti'ılc'a li'ay, tuhuaquemma. Aixa'ħue'mola' lihuejhuo' tipa'aħe łonta'a. Aiqui'ic' quilipa'e.

19 Jesús italai'e'ma, ticua:

—Itsiya litine imanc' nołmana' fa'a li'a łamats' aimoł'huaiyijnyi ŁanDios, olanajpołtsi. Iya' cacua, cołá' aicapajncona'ma pe lołmana'. ¿Te iya' ti'hua caxnet'ħma? Aħec'metsi ło'hua.

20 ĩlecontsa łamijcano. Aiquicoł'ma, lixim'ma łonta'a Jesús, ife'ne'ma ujfxi łamijcano. Ĩque ecanghuaitsi, ti'huatłsay, ipa'a'ma ipehuoxco lico.

21 Jesús icuis'e'ma qui'ailli' łamijcano, timi:

—¿Tojua camats' tołta'a mi'i ło'hua?

Italai'e'e'ma timi:

—Caca'hua.

22 Łonta'a tummetsay, tecajm-maispa laja' jouc'a titanc'aispa ĩlunga. Tehuay te co'ıya mima'aya. Itsiya ja'ni nipajnya, ĩatoc'itsonga! ĩAłsintsonga' ninc'icuanuc'la!

23 Jesús timi cal xans:

—¿Te calmicopa: “Ja'ni nipajnya”? Ja'ni ima' ał'huaiyijnla', ti'i'ma. Naiħne lał'huaiyijmpa ałsim'ma iya' nipajnya, ałsim'ma jahuay ti'i'ma ca'e'ma.

24 Aiquicoł'ma, qui'ailli' łamijcano ija'a'ma ujfxi, timi Jesús:

—Ca'huaiyijnhuo', jaltoc'ila' ca'huaiyijntso' xonca!

²⁵ Ixim'mola' Jesús tiloc'olaiyumma xonca lan xanuc', itale'ma lonta'a, timi:

—Ima' monta'a, ima' o'e'epa atape y ata'ay itca'a lamijcano. Iya' cacuxe'ehuo', itaipanni itca'a lamijcano! Aimotsufaicona'ma.

²⁶ Lonta'a ija'a'ma. Ife'ne'ma ujfxi lamijcano. Ipananni. Lamijcano i'i'ma to lomapa. Axpela' lan xanuc' ticuayi: “Joupa imanapa”.

²⁷ Jesús i'no'e'ma limane icutsu'ma lamijcano, itque ecaxna'ma.

²⁸ Lijou'ma litsufilai'me lajut'ł Jesús jouc'a ts'ilihuequi, mimana' quiltuca' itne icuis'e'me, timiyi:

—Illanc', ¿te cal'icoponga' aicalipa'e lonta'a?

²⁹ Italai'e'e'mola', timila':

—Ticuicomma tolsa'huefe LanDios, aimo'tetso'me, tołsnet'He. Ja'ni a'i, aimi'iya molipa'ayacola' itniya lontanue.

³⁰ Ipalunca jilpiya. Tuyalaicoyi al distrito Galilea. Jesús ticua: “Aimicuej'me lan xanuc' pe laifpa'a”. Ipic'a timajnle quiltuca' itque y ts'ilihuequi.

³¹ Mimuc'ila' timila':

—Iya' itque cal Xans Liximpa cal profeta pu'hua lema'a. Aicu'ma, a'no'ima lan xanuc', alma'a'ma. Afane' quitine, camaf'ina'ma.

³² Itne aiquilcueca ite lonespa Jesús. Aiquilicuis'e. Tixpailiquila'.

³³ Icuaiyocontsa liya' Capernaum. Mimana' lajut'ł, Jesús icuis'e'mola' ts'ilihuequi, timila':

—¿Te cataiqui' colfuli'icopołtsi małeyi lane?

34 Iñiya aiquiltalai'e. Miyeyi lane tifuli'iyotsti cataiqui' naitsi iłque xonca cal te'a.

35 Jesús icutshuai'ma, ijoc'i'mola' limbamaj coquexi', timila':

—Cal xans ts'ipic'a ti'ıla' cal te'a, ti'e'exoxi łaquijoujma, ti'e'exoxi to łaquintahuaicopa lif'as xanuc'.

36 Exa!u'ma anuli łahuac'hua. Ecaxu'e'mola' ts'ilihuequi. Ipulc'o'ma, timila' ts'ilihuequi:

37 —Naitsi napenufya anuli łahuac'hua to iłca'a, ja'ni tinesla': "Jesús ti'ay capic'a iłca'a łahuac'hua, iya' jouc'a capenuf'ma", iłque linca lapenufi iya'. Naitsi nalapenufpa iya' a'i ma le'a iya' lapenufi, lapenufinga' jouc'a Łalummepa.

38 Juan timi Jesús:

—Momxi, ałsimpá anuli cal xans tipa'ala' lontahue. Iłque ticuaj'mi lopuftine. Illanc' ałcuanac'epá. Iłque a'i całejmale.

39 Jesús timila':

—Aimołcuanac'e'me. Anuli cal xans no'epa acueca' micuaj'mi laipuftine, iłque cal xans aimalnesc'eya cataiqui'.

40 Iłne lan xanuc' ja'ni aimal'enga' laic' tama a'i malejmaleyi, iłne linca ałtoc'inga'.

41 'Iya' camilhuo' al linca: Cal xans naimet-saicopolhuo' imanc' alihuequi iya', ja'ni tinesla': "Iłne ilihuequi cal Cristo. Cuhui'i'mola' quijja'", iłque cal xans tipa'a lolijya, ŁanDios tipaxne'ma.

42 'A'ijc'a loyaicoya cal xans naimenac'iya anuli iłna'a la'uhuay, iłne ał'huaiyinge iya'. Coła' ifinc'im'me łejoc' anuli cal cuecaj capic molino, coła' ecajm'mim'me łaja. Coła' ima'ma ate'a ai'a ti'e'ma iłiya lixcay.

43 'Ja'ni lomane ti'e'ma lixcay, ¡tatejla' nulemma! Ja'ni tocuaitsi al muf petsi lunga aimipica, ¿te cof'ecoya oque' lomane'? Tama le'a anuli lomane, ja'ni ti'i'ma totsufaita petsi lopitine aimijouya, xonca al c'a toyaicota.

44-46 'Ja'ni lo'mis ti'hua'a'mo' petsi to'e'ma lixcay, ¡tatejla' nulemma! Ja'ni tecajm-mitso' al muf, ¿te cof'ecoya oque' lo'mitsi'? Tama le'a anuli lo'mis, ja'ni ti'i'ma totsufaita petsi lopitine aimijouya, xonca al c'a toyaicota.

47-48 'Ja'ni lo'u timenac'ihuo', ¡taipa'ala'! Ja'ni tecajm'mitso' al muf petsi lapimí aimimala', ti'hua titeji, petsi aimijaf'que latełcoya, aimipica lunga, ¿te cof'ecoya oque' lo'u'? Tama ma le'a anuli lo'u, ja'ni ti'i'ma totsufaita petsi tihuejcoyi ŁanDios, ¡que cal Cuecaj Rey, xonca al c'a toyaicota.

49 'Jahuay łotsufconyacu ŁanDios tikuicomma tetenłne, tołiya ti'em'me co'hue, tołe ŁanDios tepenuf'ma. Jouc'a lan xanuc' liłpicuejma' tikuicomma tetenłintsola', tikuicomma titełco'me, tołe ŁanDios tepenufna'mola'.

50 Ło'hue ipenic'. Ja'ni tejac'la' lic'a, ¿te conł'ecoyacu ło'hue? Imanc' aimi'i'molhuo' to łque ło'hue łejac'pa lic'a. Aimolfuli'i'moltsi cataiqui'. Tołnanc'otsoltsi.

10

1 Jesús ipanni al distrito Galilea, icuaitsi al distrito Judea. He łamats' locuena liju' al cuecaj panaj Jordán. Icuaiyocona'me axpela' lan xanuc' jilpe pe lopa'a Jesús. Łque ma to mi'ay timuc'iyale.

2 Icuaiyunca jouc'a lam fariseo. Ehuaicona'me, icuis'e'me:

—¿Te cal xans nipajnya tecanai'ma hipeno, o aimi'iya?

³ Jesús italai'e'e'mola', timila':

—¿Te quiniłpa Moisés? ¿Te coya'apa lonl'eyacu?

⁴ Italai'e'e'me, timiyi:

—Moisés iniłpa: “Cal xans tiniłta' anuli lije'e lacanaicoya hipeno. Tijoułta' tecanai'ma.”

⁵ Jesús timila':

—Moisés ixina' ata lołpicuejma' imanc', tołta'a quiniłcopa.

⁶ Al te'a a'i tołta'a licuxeyalepa ŁanDios. Lilanc'epa li'a łamats' ŁanDios ilanc'e'mola' “... cal xans y łaca'no”.

⁷ Icu'a'ma: “Cal xans tipo'no'mola' qui'ailli' qui'máma', tileco'ma hipeno. Tejonli'mołtsi.

⁸ Loquexi' ti'e'e'mołtsi to anuli le'a.” Tołta'a i'ipola' anuli, a'i oquexi'.

⁹ ŁanDios ixpic'epa tołta'a tejonli'mola', tołta'a ti'e'e'mola' anuli. Lan xanuc' aimi'iya menajyacola'.

¹⁰ Licuaitsa lajut'ł ts'ilihuequi Jesús icuis'e'me to joupa licuis'epa lan xanuc' fariseo.

¹¹ Jesús timila':

—Tama cal xans tecanaiłta' hipeno, ma' ipeno. Ja'ni tilecołta' ocuena caca'no', ixcay iłe lo'eya. Ma' anuli lo'eya to iłne nahuepá quileca'no'.

¹² Jouc'a łaca'no'. Tama tecanaiłta' hipe'ailli', ma' ipe'ailli'. Ja'ni tihuejla' ocuenaj xans ixcay iłe lo'eya. Ma' anuli lo'eya to laca'no' nahuepá quiłxanuc'.

¹³ Jiłpiya pe lopa'a Jesús ticuai'enspolá' la'uhuy. Tixa'hueyi tixpayaf'tsola', tipaxnetsola'.

Ts'ilihuequi Jesús italem'mola' ihniya ts'ihajma quihaxque'.

¹⁴ Jesús lixim'mola' ts'ilihuequi tohta'a lo'epa ai-quetenlcocojma, ixtuc'o'mola'. Timila':

—Aimołpa'ne'mola' la'uhuay. Tiyouyunca pe laifpa'a. Lan xanuc' notsufliayacu pe locuxeyopa ŁanDios ti'onłcospola' to ihna'a la'uhuay.

¹⁵ Iya' camilhuo' al linca: Cal xans ja'ni jahuay lunxajma' tihuequi litaiqui' ŁanDios locuxepa, ma to laihuejpa la'uhuay, ihque cal xans titsufai'ma pe lopa'a ŁanDios. Ja'ni a'i, aimitsufaiya.

¹⁶ Jesús ipulc'o'mola' la'uhuay, ixpayaf'mola', ipaxne'mola'.

¹⁷ Ipango'ma ti'hua'ma Jesús, icuaico'ma anuli cal xans tinu. Exc'onłingai'ma Jesús, icuis'e'ma:

—Cunc'a comxi, ¿te caif'eya culijla' laipitine aimijouya?

¹⁸ Jesús timi cal xans:

—¿Te całmicopa iya' ninc'a? Le'a ŁanDios copa'a cal C'a. Ailopa'a cocuena.

¹⁹ Ima' oxina' locuxepa ŁanDios. He lataiqui' tuya'e': “Aimoxhuico'ma ocuena caca'no', ma le'a łopeno. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma. Taihuejco'mola', totoc'i'mola', co'ailli', co'máma'.”

²⁰ Cal xans timi Jesús:

—Momxi, całtojoyomma ca'ay tohta'a, jahuay iliya.

²¹ Jesús ehuelojm'ma cal xans, etenlcoco'ma lipicuejma', timi:

—Linca, tipa'a lahue'epo'. To'huanła', tocujtsi jahuay ło'hueca. Al tomí lofmulijya tapi'itsola' pe lahue'epola'. Tohta'a ti'i'ma co'huexi jipu'hua

lema'a. Tijoula' tocaicoconno pe laifpa'a, li-huej'ma.

²² Licuej'ma jile lataiqui' ic'ommai'ma. Acueca' juaiconapa li'huexi. I'huana'ma tixhueh'ma.

²³ Jesús ehuelojm'mola' ts'ilihuequi, timila':

—Lan xanuc' ts'ih'hueca juaiconapa afule mitsuflaiyacu pe locuxeyopa LanDios.

²⁴ Ts'ilihuequi aiquih'cueca jile lines'ma Jesús. Ticuayi: “¿Te conescopa tohta'a?” Jesús timiconala':

—Cunc'ainaxque', lan xanuc' no'huaiyijmpá ih'huexi afule mitsuflaiyacu pe locuxeyopa LanDios.

²⁵ ¿Te aga cal camello tuyaico'ma laquipihuo lacuxa? Iya' camilhuo': Cal xans ts'ih'hueca juaiconapa tixim'ma xonca lipime mitsufaiya pe locuxeyopa LanDios.

²⁶ Licuej'me tohta'a ts'ilihuequi Jesús ixim'me ipime juaiconapa ile lataiqui'. Imiconam'oltsi:

—Aicalc'ueca ile lataiqui'. ¿Te ailopa'a con'uya?

²⁷ Jesús ehuelojm'mola', timila':

—Lan xanuc' quih'tuca' aimi'iya monhu'eyacoltsi. LanDios linca nipajnya tunhu'e'mola'. H'quiya jahuay nipajnya ti'e'ma, aimixina quipime.

²⁸ Pedro timi Jesús:

—Illanc' alpo'nonapá jahuay, lihuejh'huo'.

²⁹ Jesús italai'e'e'mola' ts'ilihuequi, timila':

—Iya' camilhuo' al linca: Cal xans nocuapa: “Quihuequi Jesús, jouc'a quihuequi Lataiqui' loya'apa lixp'ic'epa LanDios”, ja'ni joupa ipo'nopa lejut'í, ipo'nopola' lipimaye o qui'máma' qui'ailli' o linaxque' o hemats',

³⁰ ih'que cal xans mipa'a fa'a li'a lamats' tulij'ma amaxnu xonca. Tama tihuetsoquinle tulij'mola'

axpela' qui'máma', quipimaye, quinaxque', que-
jut'li, quemats'. Ticuaitsi locuaicoya quitine
tulij'ma lipitine aimijouya.

³¹ Axpela' lan tet'la xanuc' ti'i'mola' lijoucola'.
Jouc'a lijoucola', axpela' ihniya, ti'i'mola' lan tet'la.

³² Miyeyi lane tif'ajliyi Jerusalén Jesús
i'huaj'me'mola' ts'ilihuequi, iyenc'e'me ihniya.
Tixhuehmot'leyi, ticuayi lihpicuejma': "¿Te
co'iyá Jesús?" Lan xanuc' locuenaye tihuejyi
tixpailiquila'. Jesús ihojfi'mola' limbamaj coquexi',
u'i'mola' loyaicoya ma'que quituca'.

³³ Timila':

—Imanc' ohsina' af'ajliyi al cueca' quitya'
Jerusalén. Iya' itque cal Xans Liximpa cal profeta
pu'hua lema'a. Jihpiya alcunna. Lixanuc' cal cuecaj
ca'ailli', jouc'a lomxiye nomuc'iyalepá locuxepa
LanDios, alacani'eta alma'anla' locuenaye xanuc',
ihniya a'i judío.

³⁴ Ihniya ahtaluntseta, ahtsuc'ota lai'a,
lunafquinna, alma'ata. Afanej quitine
camaf'ina'ma.

³⁵ Jacobo jouc'a Juan, ihne linaxque' Zebedeo,
ihoc'ohai'me pe lopa'a Jesús, timiyi:

—Momxi, ahpic'a ima' lapi'itsonga' ma to
latsahue'eyaco'.

³⁶ Jesús timila':

—¿Te ts'ohpic'a? ¿Te caifnepi'iyacolhuo'?

³⁷ Ihniya timiyi:

—Lapi'itsonga' lane acuxeta anuli ima'.
Ahcutsingaito', anuli illanc' al c'a camane, locuena
loxa camane.

³⁸ Jesus timila':

—Imanc' aicołsina', aicołcueca ile lałsahue'epa. Ałmıla': ¿Te imanc' nipajnya toluyalaico'me to iya' laifnuyaicoya? ¿Te nipajnya tołtelco'me to laiftelcoya?

³⁹ Ihniya timiyi:

—Nipajnya.

Jesús timila':

—Ma' alinca imanc' toluyalaico'me to iya' laifnuyaicoya. Tołtelco'me to iya' laiftelcoya.

⁴⁰ Iya' aimi'iya camiyacolhuo': “Ałcutsingaita anuli al c'a camane, locuena loxa camane”. Ailopa'a tołta'a laimane. LanDios joupa ixpic'epa nailne nocutsołaiyacu jilpiya. Ma' ihniya ticutsołaita.

⁴¹ Locuenaye limbama' ts'ilihuequi Jesús icuej'me loxahue'epa Jacobo y Juan. Ipango'me ixtulencia.

⁴² Jesús ijoc'i'mola', timila':

—Imanc' ołsina' lił'ejma' lan xanuc' pe aimimet-saicoyi LanDios. Ilne liłpincuxepá ti'e'eyołtsi to lapoujnalá. Ts'ilpenic' ticuxenaiyi juaiconapa.

⁴³ Imanc' aimonl'e'me tołta'a. Ja'ni anuli imanc' ipic'a ti'e'exoxi xonca acueca', ilque titoc'itsola' lip-imaye.

⁴⁴ Ja'ni anuli imanc' ipic'a ti'e'exoxi cal te'a, tix-pic'ełá' titoc'itsola' jahuay lif'as xanuc'.

⁴⁵ Iya' ilque cal Xans Liximpa cal profeta pu'hua lema'a. Laicuai'ma fa'a li'a łamats' aicanesqui: “Lan xanuc' ałtoc'ila' iya”. Aicuaicoco'ma catoc'itsola', cacula' laipitine. Ca'najcuf'mola' liłjunac' axpela' lan xanuc', cunłu'e'mola'.

⁴⁶ Icuaitsa liłya' Jericó. Uyalaico'me liłya', ipalunca. Axpela' lan xanuc' tihuejyi Jesús. Jiłpe

lema cane ticutsu anuli cal fo'. Tixa'hue quitomí. Ilique cuftine Bartimeo, i'hua Timeo.

⁴⁷ Icuej'ma tinesyi lan xanuc': "Icuaico'ma Jesús las Nazaret". Cal fo' ipango'ma ija'a'ma, timi:

—¡Jesús, ima' otatahuelo cal rey David! ¡Aksinla' nincuanuc'!

⁴⁸ Axpela' lan xanuc' itale'me, timiyi:

—¡Ti-ch'ixcotso'!

Tija'e' xonca ujfxi, ticua:

—¡Ima', otatahuelo cal rey David! ¡Aksinla' nincuanuc'!

⁴⁹ Jesús ecax'ma, icuxe'e'mola' lan xanuc', timila':

—Tołjoc'ite cal fo'.

Ijoc'i'me, timiyi:

—Aimixpaij'mo', aimoxhuełmot'le'ma.

Totsahuenni. Tijoc'ihuo'.

⁵⁰ Cal fo' eca'ni'ma lipuquiya, iyuf'conni, ecax'ma. I'hua'ma icuaitsi pe lopa'a Jesús.

⁵¹ Jesús icuis'e'ma cal fo', timi:

—¿Te caif'e'eyaco'? ¿Te ts'opic'a?

Cal fo' timi:

—Momxi, aipic'a cahuetsaleła'.

⁵² Jesús timi:

—To'huanla'. Joupa ał'huaiyijmpa, ixalconapo'.

Aiquicoł'ma, exilinanni li'u'. Ipango'ma ihuej'ma Jesús pe lotsepa.

11

¹ Tiyeyi lane ticuaita Jerusalén. A'ij culi' ite liłya'. Icuaitsa lijuala Olivo pe lopa'a liłelołya' Betfagé jouc'a Betania. Jesús umme'mola' oquexi' ts'ilihuequi,

² timila':

—Tonlele liŷya' lehuoc'ocojma. Jiŷpe loŷtsuflaiyacu liŷya' tolsinna tifijnya anujnca anuli ła'hua burro. Iŷque cal burro aiquenafcaiyinni. Toluhuaŷtsa. Toŷ'hua'anca.

³ Ja'ni ticuis'entsolhuo', timintsolhuo': “¿Te culuhuaŷcopa cal burro?”, imanc' toŷtalai'e'e'me, toŷmi'me: “ŁaŷPoujna ipicuiya tixhuicota. Tijouŷa' ticuai'enacu.”

⁴ Iye'me ts'ilihuequi. Ixintsa ła'hua burro tifijnya lane pe lopa'a al puerta. Uhuaŷ'ma.

⁵ Oquexi' afantsi tecaxoŷanna jiŷpiya icuis'e'me, timinnila':

—Imanc', ¿te culuhuaŷcopa cal burro?

⁶ Ts'ilihuequi Jesús italai'enca ma to limipola'. Lan xanuc' icu'me lane, ileco'me.

⁷ Icuai'etsa ła'hua burro pe lopa'a Jesús. Ixpefi'me liŷpijahua' lixpula' cal burro. Jesús icuŷsafca'i'ma.

⁸ Axpela' lan xanuc' ixpou'me lane liŷpijahua', ocuenaye ixpou'me imane' c'ec joupa ixquejpa'.

⁹ Lan xanuc' iŷej'me jouc'a ts'iŷenc'e tija'ayi, ticuayi:

—¡Hosana! ¡ŁanDios tunŷu'ematso', tipaxnetso'! ŁanDios ummepo'.

¹⁰ ¡Ima' aŷcuxe'monga' al c'a! ¡aŷcuxe'monga' to cal rey David licuxepola' laŷtatahueló! ¡Toŷta'a aŷpaxne'monga' ŁanDios! Iŷne nomana' lema'a jouc'a tiŷesle: “¡ŁanDios tunŷu'ematso'!”

¹¹ Jesús itsufai'ma liŷya' Jerusalén. I'hua'ma al cuecaj xoute'. Joupa if'acoŷaipa. Ehuelojm'mola' lan xanuc', te ts'i'ic' lo'epa jiŷpiya. Ipanni. Jouc'a limbamaj coquexi' ts'ilihuequi iye'me lane liŷya' Betania.

12 Lihuequi litine ipalunca jilpe liya Betania ipailiconamma Jerusalén. Miyeyi lane Jesús tunle'e.

13 Tehuelonge aculi' ixim'ma anuli la'icux. Ixim'ma tipa'a lipela. I'hua'ma ixintsi al 'ec. Licuaitsi pe lopa'a al 'ec ixim'ma le'a ipela. Aiquicuaiya litine mimaqui li'as icux.

14 Jesús timi la'icux:

—Nij naitsi noteja lo'as icux. Aimi'ascona'mo'.

Ts'ilihuequi Jesús icuej'me lines'ma Jesús.

15 Licuaicontsa Jerusalén Jesús itsufaiconama pe lopa'a al cuecaj xoute'. Jilpiya ipango'ma ipa'a'mola' nocucalépá jouc'a no'najualépá. Ejualai'f'e'e'mola' li'imesa i'ne nopai'ipaj tomí. Jouc'a nocujpá lan cucú ejualai'f'e'e'mola' liletayats'.

16 I'ne li'taic' locujyacu aiquepi'ila' lane muyalaiyacu luna xoute'.

17 Timuc'ila' lan xanuc' nomana' jilpiya, timila':

—Lataiqui' loya'apa locuxepa ËanDios ticua: “Jilpe lainejut'l ticuaicu lan xanuc', i'ne tiyouyunca ni petsi li'a lamats', jilpe alpalaic'o'ma”. ËanDios ecuej'micopa i'ta'a lejut'l. Itsiya tocomma a'i quejut'l ËanDios. Ti'on'cospa to hants'eja' pe lafoiyomma lan namats'. To'ta'a lon't'epa iman'c'.

18 Lixanuc' cal cuecaj ca'ailli' jouc'a lomxiye nomuc'iyalépá locuxepa ËanDios icuej'me locuapa Jesús. Tixpaic'eyi Jesús, ticuayi:

—Jahuay lan xanuc' i'pic'a lomuc'iyalepa i'que.

Ehue'me te co'iya mima'ayacu.

19 Lif'acola'ijma Jesús jouc'a ts'ilihuequi ipalco-nanca liya'.

20 Lihuequi litine uyalaicocona'me małe lane. Ixim'me la'icux joupa ijułnapa jouc'a lime.

21 Pedro i'nujuaitsi lines'ma Jesús, timi:

—Momxi, įtoxinła' la'icux! Ima' omi'ma cataiqui', joupa ijułnapa.

22 Jesús italai'enni, timila' ts'ilihuequi:

—Imanc', ti'hua toł'huaiyijnle ŁanDios.

23 Iya' camilhuo': Cal xans no'huaiyijmpa ŁanDios nipajnya ticuxe'ma ilca'a łjwala, timila': “To'huała', to'nij'mixoxi łaja”. Ja'ni ma ti'huaiyinge, ja'ni ailopa'a conesya, ilque tixim'ma ti'i'ma ma to licuxe'epa.

24 Iya' camilhuo': Ja'ni toł'huaiyijnyi ŁanDios, ja'ni tołcuayi: “Joupa lapi'iponga' lałsahue'epa”, iliya łınca tepi'i'molhuo'.

25 'Mołpalaic'oyi ŁanDios, ja'ni tołixtuc'oyi anuli łołpima aimi'hua molixtuc'ocona'me. Ilque łołpima tolimenc'e'ecole lixcay li'e'epolhuo'. Tołta'a coł'Ailli' Nopa'a lema'a timenc'e'eco'molhuo' jouc'a lixcay loł'epa.

26 Ja'ni aimolimenc'e'ecoyi, coł'Ailli' Nopa'a lema'a jouc'a aimimenc'e'eyacolhuo'.

27 Icuaiyocontsa liłya' Jerusalén Jesús ti'hua įilpe łuna al cuecaj xoute'. Lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, jouc'a lan xanuc' noxpıj pá lataiqui', iloc'olai'me pe lopa'a Jesús,

28 timiyi:

—¿Naitsi nummepo' to'eła' tołta'a? ¿Naitsi nepi'ipo' lane?

29 Jesús timila':

—Iya' quicuis'e'molhuo' jouc'a. Aftalai'ela'. Tijoula' cami'molhuo' naitsi nalapi'ipa laimane ca'ela' tofta'a.

³⁰ Lu'ifa': ¿Naitsi nepi'ipa limane Juan tepo'itsola' lan xanuc'? ¿Ja'ni LanDios nepi'ipa o ma le'a lan xanuc' epi'i'me?

³¹ Ihniya ticuis'eyoŋtsi, timiyotŋtsi:

—Ja'ni aŋmile: “LanDios epi'ipa limane”, Jesús aŋmi'monga': “¿Te aicolapenufi iŋque?”

³² O ¿aŋmile: “Lan xanuc' epi'ipá limane”? A'i, aimi'iya maŋmiyacu tofta'a. Lixtuc'o'monga' lan xanuc'.

Ihne lixanuc' cal cuecaj ca'ailli' jouc'a lomxiye nomuc'iyalepá locuxepa LanDios tixpailiquila'. Lan xanuc' ticuayi: “Juan Bautista aprofeta, LanDios ummepa”.

³³ Italai'e'e'me Jesús, timiyi:

—Aicaŋsina'.

Jesús timila':

—Iya' jouc'a aicamiyacolhuo' naitsi nalapi'ipa laimane.

12

¹ Jesús ipango'ma i'onŋico'ma lo'epa LanDios fa'a li'a ŋamats'. Timila':

—Anuli cal xans ifapa ŋemats' ŋaifa' uva. Eti'ico'ma aitaŋ. Ipupa pe lotsuj'miyacu loxoc'eyonyacu lan 'uva, tipa'a'me laquiija'. Ilanc'e'ma anuli li'nof'quiya lajutŋ, jiŋpiya tipajm'ma no'eya cuenna lan 'uva. Icu'ma ŋemats' lan xanuc' ti'etsa canic', tulij'me onŋca ŋaipammaiya. Aculi' i'hua'ma.

² Licuaitsi litine lipammaitsi lan 'uva umme'ma anuli limozo. Timitola' lin'epá canic': "Lapi'íla' li'huexi laipoujna".

³ Lin'epá canic' i'noł'me cal mozo. Ummena'me. Aiquilepi'i.

⁴ Łapoujna ummecona'ma ocuena quimozo. Licuaitsi jilpiya lin'epá canic' ixcai'e'me lijuac, imiloj'me cataiqui'.

⁵ Ummecona'ma ocuenaj mozo. Iłque cal mozo ima'a'me. Ummecona'mola' axpela' ocuenaye. Untafem'mola' jouc'a ima'am'mola'.

⁶ 'Ipanenni ma le'a anuli naitsi łommeya. Iłque i'hua, ti'ay capic'a juaiconapa. Umme'ma. Icuama: "Tixpaic'eta lai'hua".

⁷ Lin'epá canic' timiyoltsi: "Iłque i'hua lipoujna camats'. Alma'ale. Tijoula' alma'ale illanc' ticuainata calmane cal 'huexi."

⁸ Iłne i'noł'me łamijcano, lima'a'me, ipa'a'me iłe łamats' pe lifapa laifa'.

⁹ 'Lipoujna camats', ¿te co'e'eyacola' iłne lin'epá canic'? Iya' camilhuo': Łapoujna ti'hua'ma pe łomana' iłniya lan xanuc', tima'atola'. Łemats' lifapa laifa' uva tepi'i'mola' ocuenaye lan xanuc'.

¹⁰ '¿Te a'i colšuec' al Paxi Linilingiya loya'apa te ts'i'ic' lo'iya? Ticua:

Łapic łetets'ipa nolanc'epá lajutł, i'ipa xonca laicuicoya.

Iłque łapic xonca tilanc'e łaitał aimecangeya lajutł.

¹¹ ŁanDios łalPoujna tołta'a łecuej'micopa.

Illanc' ałsinyi acueca' iłe li'ipa.

¹² Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios ixtuc'o'me Jesús, ticuayi: "Iłque Jesús ał'onhiconga' to iłne lixcay lin'epá

canic' jilpe lamats' lifampa cal 'uva". Ehue'me te co'iya mi'notyacu Jesús. Ailopa'a qui'e'epa. Tixpaic'ennila' lan xanuc'. Ipo'no'me jilpe. Iyena'me.

¹³ Ummem'mola' lan xanuc' fariseo jouc'a lixanuc' cal rey Herodes. Ticuis'mot'leta Jesús. Tehuaita. Ehue'me te co'iya micufyacu.

¹⁴ Icuaitsa, timiyi Jesús:

—Momxi, aksina' ima' tonesqui al linca. Aimahuay latentococopola' lan xanuc'. Ma' anuli topalaic'ola' jahuay. Aimahuelongila' ja'ni i'hueca o aici'hueca. Tomuc'iyale lipene LanDios. Itsiya licuis'ehuo', ¿te al'najtse'eta al tomí latsahue'eyaconga' cal cuecaj quincuxepa, ilque César? O ¿aima'nalajtse'eyacu? Alu'itsonga', ¿nipajnya o aimi'ya?

¹⁵ Jesús ixina' te ts'i'ic' lipicuejma' ilniya. Ilpic'a tifel'mile. Ma le'a ti'e'eyotsi to lan c'a xanuc'. Timila':

—¿Te calahuaicopa? Altai'etsi anuli al tomí, caxinla'.

¹⁶ Itai'etsa. Jesús icuis'e'mola', timila':

—Ita'a al tomí, ¿naitsi ilca'a ts'i'a? ¿Naitsi ita'a ts'ipuftine?

¹⁷ Italai'e'e'me, timiyi:

—Li'a César, lipuftine César.

Jesús timila':

—Ja'ni i'huexi César, tolapi'ile César. Ja'ni i'huexi LanDios, tolapi'ile LanDios.

Licuej'me Jesús litalai'epola' icuapá:

—¡Xinla'! Acueca' lipicuejma' Jesús.

¹⁸ Lijou'ma icuaitsa pe lopa'a Jesús lan xanuc' saduceo. Ilne naihuejpá lataiqui' loya'apa: “Lan

xanuc' tima'mola' nulemma, aimimaf'iyacu".
Jouc'a tehuaiyi Jesús, icuis'e'me, timiyi:

19 —Momxi, pe linitpa Moisés alcuxenga', tuya'e':
“Cal xans timała', ma' imaf'i' lipeno ailopa'a
qui'hua, lipima tileco'ma hi'maxi. Tipajntsi qui'hua
tecu'i'me lipuftine himanapa. Timetsaicom'me to
qui'hua himanapa. Tepi'im'me hi'huexi himanapa.”

20 Itsiya lu'i'mo' li'ipa.

'Timana' acaitsi lapimaye. Cal te'a ileco'ma
lipeno. Ailopa'a qui'hua. Imanapa.

21 Lipima himanapa ileco'ma hi'maxi. Ailopa'a
qui'hua, jouc'a imana'ma.

22 Jouc'a locuena lipima ileco'ma hi'maxi. Ma' an-
uli uyaico'ma. Locuenaye amalujxi lipimaye ma
tohta'a luyalaico'me. Jouc'a ileco'me hi'maxi, anuli
anuli imana'mola'. Aiquitsina' qui'hua. Lijou'ma
imana'ma łaca'no' jouc'a.

23 Lan caitsi joupa ilecopá łaca'no'. Itsiya
lu'itsonga': Ticuaitsi litine timaf'inałe limanap-
ola', ¿naitsi co'iyá lipe'ailli'?

24 Jesús timila':

—Imanc' timenaquilhuc'. Aicołsina' loya'apa al
Paxi Linilingiya, aicolimetsaijma al cuecaj lo'epa
ŁanDios.

25 Timaf'inłe lan xanuc' tipalnacu pe lomana'
limanapola', ihniya aimemalliyacu, ni lacuħue ni
lacał'no'. Ti'onłcotola' to lapaluc' quema'a.

26 'Imanc' tołcuayi: “Aimimaf'iyacu limanap-
ola'”. ¿Te aicołsuc' linitpa Moisés? Jiłpe tuya'e'
li'ipa litine lonajpa lac'ec. He litine ŁanDios timi:
“Iya' NanDios, ilenDios Abraham, Isaac y Jacob”.

27 ŁanDios a'i quilenDios limanapola'. Itque ilen-
Dios ts'ihmaf'i'. Imanc' juaiconapa timenaquilhuc'.

28 Jilpe tipa'a anuli łomxi nomuc'iyalepa locuxepa ŁanDios. Tiquimf'e ihnu'hua laicuis'mot'lepa Jesús, ticueca Jesús titalai'e'ela' al c'a. Ipalaic'o'ma Jesús icuis'e'ma, timi:

—¿Te copa'a xonca al cueca' lataiqui' locuxepa ŁanDios?

29 Jesús italai'e'ma, timi:

—Ite lataiqui' xonca al cueca' tuya'e': “Ałquimf'ela', imanc' ixanuc' Israel. ŁanDios, łalanDios, ma' ilque anDios. Ailopa'a cocuena.

30 Ima' to'nujuaitsi ŁanDios łoPoujna. Iłque omenDios. Taihuejla' jahuay łomunxajma', jahuay ło'alma, jahuay łopicuejma', jahuay łopujfxi.”

31 Locuena lataiqui' locuxepa ŁanDios tuya'e': “Ima' to'eyoxi capic'a. Ma tołta'a to'ela' capic'a łof'as xans, naitsi łoftalecufya.” Iłna'a atsila' cataiquí. Xonca atsila' ailopa'a.

32 Łomxi timi:

—Momxi, ac'a lotaiqui' lonespa. Ma' al linca łofcuapa. Tipa'a anuli ŁanDios, ailopa'a cocuena.

33 Ał'nujuaisle ŁanDios, alihuejle jahuay łalunxajma', jahuay łalpicuejma', jahuay łalpujfxi. Ał'etsola' capic'a łal'as xanuc' ma to mał'eyoltsi capic'a. Ja'ni tołta'a ał'eyi, ticuaispa quipic'a ŁanDios. Ja'ni aimal'eyacola' capic'a łal'as xanuc', tama ałtsufcole łopi'epa jilpe al altar, ilte łal'ejma' aimicuaispa quipic'a ŁanDios.

34 Jesús ixim'ma łomxi ac'a lipicuejma'. Italai'e'e'ma, timi:

—Ahuata lahue'epo' motsufaiya pe locuxeyopa ŁanDios, ilque cal Cuecaj Rey.

Lijou'ma ailopa'a quicuis'epa, ni anuli. Iłsina' tulijna'mola' Jesús.

³⁵ Mipa'a Jesús pe lopa'a al cuecaj xoute' ti'hua timuc'ila' lan xanuc'. Timila':

—Lomxiye nomuc'iyalepá locuxepa ÆanDios ticuayi: “Cal rey David itatahuelo cal Cristo”. ¿Te conescopa tołta'a?

³⁶ Ituca' lonespa itque cal rey David. Muya'e' lataiqui' lu'ipa cal Espíritu Santo tuya'e':

ÆanDios ipalaic'o'ma łaiPoujna, timi:

“Tocutsaila' jifa'a al c'a camane.

Topanehuo fa'a, iya' mi'hua culiquila' lo'epo' laic'.

Tijoula', ima' tocuxena'mola'.”

³⁷ Małque David inesco'ma cal Cristo, ticua “... łaiPoujna”. Ja'ni David itatahuelo cal Cristo, ¿te conescopa tołta'a?

Axpela' lan xanuc' noquimf'epá lomuc'iyalepa Jesús icuaitsi quilpic'a juaiconapa litaiqui'.

³⁸ Mimuc'iyale Jesús tu'ila':

—Tołpo'nołe cuenna, aimifel'mi'molhuo' lomxiye nomuc'iyalepá locuxepa ÆanDios. İniya itpic'a tipo'nołe litpijahua' axehuay, tiyelocota to lan tsilaj xanuc'. Miyelocota jipu'hua pe lomana' axpela' lan xanuc', itpic'a tinonintsola'.

³⁹ Łajut'li pe lafołyomma lan xanuc' itpic'a ticutsołaitē xonca jipu'hua li'huáqui. Ja'ni tijoc'innila' tixmocota itpic'a ticutsołaitē petsi locutsołaiyacu lan tsilaj xanuc'.

⁴⁰ Tijoutsaf'ennila' it'huexi lacał'no' lam potsateya. Mi'eyi tołta'a ti'e'eyołtsi to lan c'a xanuc'. Ticołi tipalaic'oyi ÆanDios. Tijoula', xonca titeł'mi'mola' ÆanDios.

⁴¹ Jesús ticutsu al cuecaj xoute' tehuelongila' lan xanuc' mi'nij'mi'me litomí jilpe al caxax. Axpela' lan xanuc' ts'it'hueca xonca ti'nij'miyi acueca'.

⁴² Icuaitsi jilpiya anuli łaca'no' apotsate. Ailopa'a caquitomí. I'nij'mi'ma oque' al tomí acobre. Ailopa'a quipitali.

⁴³ Jesús ijoc'i'mola' ts'ilihuequi, timila':

—Iya' camilhuo' al linca: Iłque cal potsate, aiqui'hueca, ulijpola' locuenaye. Etoj'mipa xonca.

⁴⁴ Locuenaye ni'nij'mipá liłtomí jilpe, iłniya aimehue'ela'. Tipanemma acueca' liłtomí. Iłquiya łaca'no' ailopa'a quipaneya, etoj'mipa jahuay, ailopa'a co'nacoya łoteja.

13

¹ Mipalumma al cuecaj xoute' Jesús jouc'a ts'ilihuequi, anuli ts'ihuequi timi Jesús:

—Momxi, ¡toxinła! ¡Atsila' iłne łapic' lilanc'ecompa al xoute'! ¡Atsila' łajut'łi!

² Jesús timi:

—Itsiya toxina iłnu'hua atsila' łajut'łi. Ticuaihuo litine jahuay tetelquehuo. Ni anuli łapic mipo'nof'queya łocuena capic.

³ Micutsu Jesús łijuala Olivo, al huenajmay al cuecaj xoute', Pedro, Jacobo, Juan jouc'a Andrés iłoc'olai'me pe lopa'a. Icuis'e'me, timiyi:

⁴ —Lu'itsonga', ¿te quitine mi'iya lofnespa? ¿Te co'iya mi'iya calsina' aimicołya lo'iya iłiya? ¿Te jale małsinyacu?

⁵ Jesús ipango'ma u'i'mola' timila':

—Tołpo'nołe cuenna. Ja'ni a'i tifel'mi'molhuo'.

⁶ Ticuaicu axpela' linfel'miyale, tines'me anuli anuli: “Iya' ninCristo, ŁanDios alummepa”. Iłniya tifel'miyale'me. Axpela' lan xanuc' tepenuf'me liłtaiqui'.

7 'Imanc' tołcuej'me tifulenni jouc'a tifulem'me. Aimixpailij'molhuo'. Ma tołta'a ti'i'ma. Ticoł'ma locuaicoya Lijoujma Quitine.

8 Lan xanuc' nomana' anuli al nación tix-tuc'o'me, tiful'e'me lan xanuc' locuenaj nación. Lixanuc' anuli cal cuecaj quincuxepa tiful'e'me lixanuc' locuena cal cuecaj quincuxepa. Ni petsi tinu'ma lunanto, ti'i'ma cumemma. Ma ti'onłcota to lipumla łaca'no', tołta'a tipango'ma al cueca' latełcoya.

9 'Tołpo'nołe cuenna. Ticum'molhuo', ticuaita liłmane lan tsilaj xanuc' noxpipá lataiqui'. Tilecom'molhuo' łajut'li pe lafołyomma lan xanuc'. Jiłpe tipam'molhuo'. Imanc' ts'alihuequi, tołta'a lan xanuc' tixtuc'o'molhuo'. Tilecom'molhuo' pe lomana' lincuxepá jouc'a pe lomana' lan rey. Tołta'a iłne lan xanuc' ti'ıłta' quıłsina' naitsi iya'. Imanc' tulu'i'mola'.

10 'Ai'a ticuaihuo Lijoujma Quitine ni petsi li'a łamats' tuya'am'me te ts'i'ic' lixpicepa LanDios, iłe lataiqui' ac'a loya'apa.

11 Litine ti'nołintsolhuo', tilecotsolhuo' pe lomana' lincuxepá, aimołsuełmot'le'me. Aimołcua'me lołpicuejma': "¿Te całtalai'e'ecoyacu?" Małpe al 'hora LanDios tepi'i'molhuo' lołpicuejma' tołtalai'eco'me al c'a. Iłe lołnesyacu a'i cołtaiqui' imanc', ma' itaiqui' cal Espıritu Santo. Iłque tipo'no'i'molhuo' lołpicuejma'.

12 'Łapima ticu'ma łipima tima'anłe. Cal xans ticu'ma li'hua. La'uhuay titsolicu, tixtuc'o'me quıl'ailli' quıl'máma'. Ticu'mołtsi, tima'antsola'.

13 Imanc' ts'alihuequi ni petsi lołmanc'eyacu lan

xanuc' ti'ejco'molhuo' laic'. Ja'ni tołsnet'ł'me, ticuaitsi Lijoujma Quitine tolunłul'me.

14 Ma to luya'apa cal profeta Daniel tołta'a lo'iya. Ihe pe ŁanDios tilaiqui tipo'nom'me petsi ailopa'a lane mipo'nonyacu.

(Naitsi noxhuef'iyacola' iłta'a lataiqui' ticuec'eł'a'.)

'Ti'ila' tołta'a lo'iya, ja'ni tołmana' al distrito Judea, tolinul—le, tołf'ajle lijualay.

15 Ja'ni topa'a al toncay lomejut'ł aimaimuhuo motsufai'ma lomejut'ł. Aimocua'ma: “Tipa'a laifpa'aya”. Aimicoł'mo'. Ma tainuła'.

16 Ja'ni topa'a pu'huanni cal 'ec, aimopaiconahuo mommaf'huo lopuquiya. Ma tainuła'.

17 'Acuanuc'la lacał'no' linnaila' jouc'a notoc'alepá. Ihe litine juaiconapa titelco'me.

18 Tołsa'huele ŁanDios aimicuaihuo latełcoya litiné caxita.

19 'Li'a łamats' tama joupa ixhuaita axpe' camats' mipa'a, lan xanuc' nomana' aiquitełma to lotelcoyacu ihe locuaicoya quitine. Tijouła' aimitelcoconayacu tołta'a.

20 Ja'ni ŁanDios tixpic'eł'a' ticołtsola' ihe litiné ailopa'a conłuya. Joupa ixpic'epa aimicołyacola' ihe litiné. Tixinnila' cuanuc'la lixanuc' jilne li'huijf'epola', ipic'a tunłul—le.

21 'Jilne litiné ja'ni timintsolhuo': “iTołsinłe! Jifa'a icuai'ma cal Cristo”, o “Jipu'hua icuaita”, aimoł'e'me linca liłtaiqui'.

22 Ticuaicu lan xanuc' nonespá: “Iya' ninCristo”, o “Iya' ninprofeta. Iya' canesqui lalupa ŁanDios.” Iłniya infel'miyale. Ti'e'me al cueca'. Iłpic'a

tinesle lan xanuc': "Itque linca ummepa LanDios". Ma le'a tifel'miyaleyi. Coła' tifel'mintsola' jouc'a li'huijf'epola' LanDios. Aimi'iya mifel'minyacola'.

²³ Tołpo'nołe cuenna. Joupa nu'ipolhuo' jahuay ite lo'iya.

²⁴ Tijoutsola' itne litiné catelcoya ticuaihuo litine: "Timufc'o'ma cal 'ora, cal mut'ła aimepalc'o'iya.

²⁵ Lan xamna timefcoteecu lema'a, jahuay lopa'a jilpe lema'a tife'nem'mola'."

²⁶ Tijouła' alsim'ma iya'. Iya' itque cal Xans Liximpa cal profeta pu'hua lema'a. Caculaiconanni lummahuay quimuyohuo. Alsim'ma ninCuecaj Rey. Alsim'ma al'onłspa ma to LanDios.

²⁷ Jite litine cumme'mola' lainepaluc' quema'a tiyele tefot'łentsola' laixanuc' lai'huijf'epola'. Tileconnola' ni petsi lomana', itne nomana' lo'huayomma łahua', nomana' lotsepa łahua', nomana' pe liyuf'ma cal 'ora, nomana' pe lof'acaiyopa cal 'ora. Jahuay lipitoqui lipexpats'qui li'a łamats' tileconnola'.

²⁸ 'Lo'ipa al 'ec 'icux ti'onłcospa to lo'iya. ;Tołcuejle! Tołsinle tuxcuaf'ela' limane' al 'ec 'icux ti'i'ma cołsina' icuaico'ma linu'.

²⁹ Jouc'a litine tołsinle lo'ipa ma to lainu'ipolhuo' ti'ila' cołsina' joupa aicuaico'ma.

³⁰ Iya' camilhuo' al linca: Litiné ti'ila' to laifmipolhuo', lan xanuc' nomajnyacu fa'a li'a łamats' ti'onłtola' to lan xanuc' nomana' fa'a itsiya litine. Anuli ti'i'ma lipicuejma'.

³¹ Lema'a jouc'a li'a łamats' tijou'mola'. Laitaiqui' aimijouya.

³² 'Nij naitsi ts'ixina' litine ni al 'hora cacuaiconaya. Aiquilłsina' lapaluc' quema'a, ni iya'

i'Hua ÑanDios aicaixina' jouc'a. Ma le'a cai'Ailli' linca ixina'.

³³ 'Imanc' tołpo'nołe cuenna. Ti'hua tołmaf'ite. Aimi'i'molhuo' to noxmaipá. Tipantsi cumlata. Ti'hua tołsa'huefe ÑanDios. Aicołsina' te quitine cacuaiyoconno.

³⁴ Itsiya lo'ipolhuo' imanc' ti'onłcospa to li'ipola' lam mozó mi'huana'ma liłpoujna. Iłque łapoujna epi'ipola' liłmane ti'efe cuenna lajut'ł. Epi'ipola' liłpenic', anuli anuli. Anuli ixc'ai'ipa ti'ela' cuenna al puerta, timi: "Aimoxmai'ma".

³⁵⁻³⁶ Jouc'a imanc' aimołsmai'me. Tołpo'nołe cuenna. Ja'ni a'i cacuaiyunni ca'huajcoco'molhuo' tołsmai'i. Aicołsina' te quitine cacuaiyoconno iya' ołPoujna. Aicołsina' te 'hora, ja'ni if'acołaipa, ja'ni nolojmay quipuqui', ja'ni mija'a'ma łangiti, ja'ni liłic'ejma'.

³⁷ 'Ma to laifmipolhuo' imanc' jouc'a laifnu'ipola' jahuay, camila': "Tipantsi cumlata, aimołsmai'me".

14

¹ Tehue'e ma le'a oquej quitine ti'i'ma al juic Pascua. Iłne liłiné titem'me łai' petsi aiqulilai'inni levadura. Lixanuc' cal cuecaj ca'ailli' jouc'a lomxiye nomuc'iyalepá locuxepa ÑanDios ixpic'e'me tifel'miyale'me. Tehueyi te co'iya mi'nołyacu Jesús, tima'ale.

² Ticuayi:

—Tijouła' al juic. Itsiya efołumma axpela' lan xanuc', tixtulecu.

³ Jesús tipa'a liłya' Betania lejut'ł Simón, iłque liłałconapa licuana cuftine lahui lepra. Ticutsu

Jesús titesma. Icuaitsi anuli łaca'no' itaic' al pulu capic alabastro. Al pulu tinango laceite tujuej c'a ilanc'ecompa anardo, acueca' lipitali. Łaca'no' ixquej'ma łejoc' al pulu. Ixcua'fi'ma laceite ħjuac Jesús.

⁴ Oquexi' afantsi mimana' ħĭpe ixtulencia, timiyotłsi:

—Joupa ejac'pa laceite. ¿Te qui'ecopa tołta'a łaca'no'?

⁵ Acueca' lipitali, to mulij'ma cal xans no'epa canic' afane' maxnu quitine. Ja'ni coła' icuj'ma, coła' epi'i'mola' lan xanuc', ĭĭne petsi aiqul'hueca.

Tipalaicoyi quixcay łaca'no'.

⁶ Jesús timila':

—Tołe ti'ĭta'. ¿Te cołpo'nocopa quixhuejma' łaca'no'? Ĩque i'epa al c'a. Latentłcocopa li'epa.

⁷ Imanc' tĭłmana' lołpĭlya' xanuc' petsi aiqul'hueca. Aimijouyacola' ĭĭniya. Jahuay ĭtiné ti'i'ma tołspic'e'me te co'iya mołtoc'iyacola'. Iya' a'ĭ. Iya' aimalcołya capajnc'onaya fa'a li'a łamats'.

⁸ Ĩca'a łaca'no' i'epa ma to li'ommaita. Ai'a ałma'ma ał'huaf'impa laceite laicuerpo. Joupa ałłanc'epa ai'a laminna.

⁹ Iya' camilhuo' al ĭnca: Ni petsi loya'anyacu Lataiqui' loya'apa ĭte al c'a lixpĭc'epa ŁanDios, jouc'a tuya'acom'me li'epa ĭłca'a łaca'no'.

¹⁰ Judas Iscariote, ĭłque anuli ĭlimbamaj coquexi' ts'ĭliħuequi Jesús, i'ħua'ma pe lomana' lixanuc' cal cuecaj ca'aillĭ', ticuta Jesús.

¹¹ Ĩniya la'aillĭ' licuej'me locuapa Judas ixoconni quileta juaiconapa. Epi'i'me cataiqui' ti'najtse'me. Judas ipango'ma ehue'ma te co'iya micuya Jesús, ticuaita quĭłmane la'aillĭ'.

¹² Icuaitsi al te'a litine al juic. Ihiya al juic titem'me la'i aiqulalai'inni levadura. Jihe litine tite'me lam mot'l loma'anyacola' jilpe al juic. Ts'ilihuequi Jesús timiyi:

—¿Pe ts'opic'a calsmocoyoyacu al juic Pascua? Alanc'eta jahuay.

¹³ Jesús umme'mola' oquexi' ts'ilihuequi, timila':
—Tonlele al cueca' quilya' Jerusalén. Jilpiya toltalecufta anuli cal xans itaic' lijuti caja'. Tolihuejtsa.

¹⁴ Ique titsufaitsi anuli lajut'l, imanc' jouc'a tolsuflaitsa. Tolmita lipoujna cajut'l: “LalPomxi ticuis'ehuo': ¿Pe copa'a lajcuarto pe laismocoyoyacu al juic Pascua, iya' jouc'a ts'alihuequi?”

¹⁵ Timuc'itolhuo' anuli al cuarto lopa'a al toncay, joupa ixhueya. Imanc' toltaita laltejacu, jilpiya alsmocota.

¹⁶ Iye'me ts'ilihuequi, itsuflai'me al cuecaj quilya', ixim'me jahuay to limipola' Jesús. Ilanc'e'me lotejacu alxmocojma al juic.

¹⁷ Lif'acolaipa icuaiyunca Jesús jouc'a limbamaj coquexi' ts'ilihuequi.

¹⁸ Micutsołanna, mixmocoyi, Jesús timila':
—Camilhuo' al linca: Anuli imanc' alcuna'ma, anuli jifa'a loxmocopa.

¹⁹ Ts'ilihuequi ixhuełmot'le'me. Anuli anuli icuit-suf'ma, timiyi:

—¿Te aga iya'? Iya' a'i.

²⁰ Jesús timila':

—Unc'imbamaj coquexi' anuli imanc' alcuna'ma. Ique aljac'eyi lala'i anuli al pime.

²¹ Iya' ilque cal Xans Liximpa cal profeta pu'hua lema'a. Cuyaico'ma ma to micua al Paxi

Linilingiya. Tama tołta'a laifnuyaicoya, cal xans łalcuya a'ijc'a loyaicoya iłque. Juaiconapa acueca' titełco'ma, ticua'ma: “Coła' aicaipajntsi iya”.

²² Mitetsoyi Jesús epef'ma anuli ła'i, ix'najtsi'i'ma ŁanDios, ixquenuf'ma. Epi'i'mola' ts'ilihuequi, timila':

—Tołtele. Ita'a aicuerpo.

²³ Ihuof'ma al vaso. Lix'najtsi'i'ma ŁanDios, uhui'i'mola' ts'ilihuequi. Jahuay ixna'me.

²⁴ Timila':

—Ita'a aijuats', tiłinc'i'ma al ts'e quitaiqui' ŁanDios lopo'no'ipola' lixanuc'. Iya' caxcuajai'ma laijuats' tunłul—le axpela'.

²⁵ Iya' camilhuo' al łınca: Jifa'a li'a łamats' aicax-naconaya vino. Ticuaitsi litine lan xanuc' tixinłe ŁanDios micuxe, jile litine caxnacona'ma al ts'e vino.

²⁶ Lijoupa lunac'copa ŁanDios ipalunca. Iye'me lijuala Olivo.

²⁷ Jesús timi ts'ilihuequi:

—Ita'a lipuqui' imanc' tołanaj'mołtsi, ałpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma łıłpoujna lam mot'ł, iłque tima'ma. Lam mot'ł teca'ne'mołtsi.”

²⁸ Tijouła' camaf'inała' ca'hua'ma al distrito Galilea. Ca'huaicotolhuo' jıłpiya.

²⁹ Pedro timi Jesús:

—Tixtuc'otso' jahuay laipimaye, tama tenajt-sołtsi, iya' a'i.

³⁰ Jesús timi Pedro:

—Cami'mo' al łınca: Itsiya lipuqui' ai'a tija'a'ma łangiti oquemma, ima' tones'ma afanemma: “Aicainimetsajma Jesús”.

31 Pedro ti'hua tipalaic'o Jesús, ihui'ipa, timi:

—Tama ałma'atsonga' iya' ima', aicanesya: Aicainimetsaijma Jesús. Ni anulemma canesya tołta'a.

Ma' anuli ines'me jahuay locuenaye.

32 Icuaitsa al lugar cuftine Getsemaní. Jesús timila' ts'ilihuequi:

—Imanc' tołcutsolaite fa'a. Iya' capalaic'ota ŁanDios.

33 Ileo'mola' Pedro, Jacobo jouc'a Juan. Ipango'ma tixina acueca' juaiconapa ile lo'iya, tixhuełma juaiconapa.

34 Timila' lam fantsi:

—Juaiconapa cahuosma, ma tocomma ałma'ma quixhuejma'. Tołmanenca jifa'a. Aimołsmai'me.

35 Uyai'ma huata, ixpats'huai'ma łamats'. Tixa'hue ŁanDios ja'ni ti'i'ma tuyaicotsi jife al 'hora.

36 Timi:

—Abba, mai'Ailli', ima' jahuay nipajnya to'e'ma. Liłonc'e'ełta' ilta'a laiftełcopa. Ma caxa'huehuo' tołta'a jouc'a camihuo': Ti'ila' lołxpica'epa ima', a'i latentłcoca iya'.

37 Ipaiconanni, icuaitsi pe lomana' lam fantsi ts'ilihuequi. Ixim'mola' tixmaiya. Timi Pedro:

—Simón, ¿ima toxmay? ¿Te aimi'iya momaf'iya ni anulij hora?

38 Tołmaf'ile jahuay imanc'. Tołsa'huele ŁanDios titoc'itsolhuo' aimehuaiyim'mołhuo'. Imanc' tołcuayi: “Ałsnet'ł'me”. A'i, aimi'iya. Lołcuerpo ailopa'a quipujfxi.

39 I'huacona'ma, tixa'hueconata ŁanDios. Ma' anuli ixahue'econa'ma.

40 Ipaiconanni icuaiyocontsi pe lomana' lam fantsi, ixingona'mola' tixmaiconayi. Tixinyi timufquemma li'u'. Ticui quilehui. Aiquihsina' te cotalai'e'eyacu Jesús.

41 I'huacona'ma. Ipaiconanni. Joupa i'ipa afanemma. Icuaiyocontsi pe lomana' lam fantsi. Timila':

—Imanc', ¿ti'hua tołsmai? ¿Tolunxaj? Ne', ti'ila'. Ixhuaita lai'hora. Iya' itque cal Xans Liximpa cal profeta pu'hua lema'a. ¡Tolsinte! Ałcu'ma. Ał'noł'ma lan xanuc', itne aimimetsaicoyi LanDios.

42 ¡Tolsolinca! ¡Łepá! Joupa icuaico'ma itquiya łalcuya.

43 Mipalay Jesús icuaitsi Judas, itque anuli limbamaj coquexi' ts'ilihuequi Jesús. Ilecola' axpela' lan xanuc' itaic' li'espada jouc'a li'ec. Itne lan xanuc' ummempola' lixanuc' cal cuecaj ca'ailli' jouc'a lomxiye nomuc'iyalepá locuxepa LanDios, jouc'a lan tsilaj xanuc' noxpipjá lataiqui'.

44 Itque łocuya Jesús joupa u'ipola' te ts'i'ic' mimetsaicoyacu Jesús. Joupa imipola': "Cal xans łaftuc'oya jítque toł'nołe. Tołłecole. Aminuc'e'molhuo'."

45 Licuaitsi jítpiya Judas aiquicoł'ma itoc'huai'ma pe lopa'a Jesús, timi:

—¡Momxi!

Ituc'o'ma.

46 Lan xanuc' i'noł'me Jesús. Aicux'mas'me.

47 Tipa'a anuli ts'ihuequi Jesús tecaxu jítpe. Itque ipa'a'ma li'espada, ixcai'e'ma łimozo cal cuecaj ca'ailli', etec'e'e'ma lix'mas.

48 Jesús ipalaic'o'mola' itniya licuai'me ti'nołe, timila':

—¿Te tołcuaiyoco'me fa'a ołtaic' loł'espada jouc'a lonl'ec? ¿Ja'ni tołna'a al'nołta'? ¿Aga tołcuayi: “İlque inma'ahuale”?

⁴⁹ İtine itine ałmajmpá anuli jilpe al cuecaj xoute', aical'nołi. Ne', ti'ıta' ma to loya'apa al Paxi Linilingiya. Ticuicomma tenanłta' jahuay ile lataiqui'.

⁵⁰ Lixanuc' Jesús inulai'me, ipo'no'me Jesús quituca'.

⁵¹ Jilpe tipa'a anuli łamijcano ihuequi Jesús. İlque łamijcano iju'eyoxi ma le'a lisábana. Jouc'a i'nołim'me.

⁵² Łamijcano ipanenni lisábana, inu'ma amila.

⁵³ İleco'me Jesús pe lopa'a cal cuecaj ca'ailli'. Jilpiya efot'le'mołtsi lixanuc' cal cuecaj ca'ailli' jouc'a lan tsilaj xanuc' noxpijpá lataiqui', jouc'a lomxiye nomuc'iyalepá locuxepa ŁanDios.

⁵⁴ Pedro i'huanc'e'ma aculi'. İtsufai'ma lipuna quejutł cal cuecaj ca'ailli'. Jilpe icutsingai'mola' lepaluc' cal cuecaj ca'ailli'. Jilpe łunga tifununc'eyołtsi anuli.

⁵⁵ Lixanuc' cal cuecaj ca'ailli' jouc'a jahuay noxpijpá lataiqui' tehueyi naitsi nocufya Jesús. Tołta'a ti'i'ma tima'anle. Aiqui'ic'.

⁵⁶ Axpela' lan xanuc' tuyout'łecoyi Jesús, ma le'a tifelłaiqueyi. Anuli anuli, ituca' ituca' tinesqui. Aiqui'ic' anuli liłtaiqui' lonespa.

⁵⁷ Oquexi' afantsi itsolinca uya'a'me ocuena lafelłaiqueya, timiyi:

⁵⁸ —İllanc' ałcuejpa ilque linespa, ticua: “İya' nulemma cateł'ma ilta'a al cuecaj xoute' lilanc'epa lan xanuc'. Tuyaila' afane' quitine iya' joupa

ailanc'eonapa ocuena. Ite a'i quihanc'e'e lan xanuc'."

⁵⁹ Ni itne nonespá aiqui'ic' anuli lihtaiqui'.

⁶⁰ Itsahuenni cal cuecaj ca'ailli', icuis'e'ma Jesús, timi:

—¿Te ima' aimotalai'ecoyacoxi? ¿Te onespa ite lataiqui', o aiconesqui?

⁶¹ Aiquitalai'e. Ailopa'a quitaiqui'. Cal cuecaj ca'ailli' icuis'econa'ma, timi:

—¿Te ima' unCristo? ¿Te ima' i'Hua cal Paxi CanDios?

⁶² Jesús timi:

—Ma' iya'. Iya' itque cal Xans Liximpa cal profeta pu'hua lema'a. Imanc' alsim'ma cacut-suya al c'a camane cal Cuecaj Rey. Alsim'ma quimuyohuo lema'a, cacuaiyoconno lamats' nolo-jmay cummahuay lema'a.

⁶³ Cal cuecaj ca'ailli' its'a'l'ma lipijahua', imujpa lipoyac'. Aiquetenlcocojma locuapa Jesús. Timila' lixanuc':

—Itsiya, ¿te calahuecoyacola' ocuenaye lan xanuc' ticufle?

⁶⁴ Imanc' olcuejpá lonespa. Etets'ipa LanDios. ¿Te colcuapa imanc'?

Jahuay icuxeco'me Jesús, ticuayi:

—Tipa'a lijunac'. ¡Tima'ante!

⁶⁵ Oquexi' afantsi ipango'me itsulco'me, ifi'e'eco'me ijahua' li'u', untaf'me li'a, ipa'me, timiyi:

—Tocua'ala', ¿naitsi lipa'mo'?

Lepaluc' cal cuecaj ca'ailli' ipets'me camane jouc'a.

⁶⁶ Pedro ipanenni al 'ocay, ticutsu luna. Uyai'ma anuli licriada cal cuecaj ca'ailli'.

67 Ixim'ma Pedro tifununc'eyoxi jilpe lunga. Ehuelojm'ma, timi:

—Ima' jouc'a omihuequi cal xans las Nazaret, itque Jesús.

68 Pedro icuanajpa, timi:

—Aicaixina'. Aicaicueca lofnespa.

Ipanni, ecax'ma pe lopa'a al puerta. Ija'a'ma langiti.

69 Lajcriada nopa'a jilpe ixim'ma Pedro. Ipalaic'o'mola' nacaxhuotanna, timiconala':

—Itca'a anuli itniya ts'ilihuequi Jesús.

70 Pedro icuanajcona'ma. Uyai'ma ni huata, itne nacaxhuotanna jilpiya timiyi Pedro:

—Ima' jouc'a mihuequi Jesús. Ima' mas Galilea.

71 Pedro ipango'ma i'e'ma jurar, timila':

—Iya' camilhuo' al linca. Ja'ni a'i, jalma'ata' LanDios! Iya' aicainimetsajma itque cal xans lotpalaicopa.

72 Aiquicol'ma, ija'acona'ma langiti. Pedro i'nujuaitsi limipa Jesús: “Ai'a tija'a'ma oquemma langiti, ima' tones'ma afanemma: Aicainimetsajma Jesús.” Li'nujuaitsi ite lataiqui' Pedro ijoj'ma.

15

1 Lilitic'ejma lixanuc' cal cuecaj ca'ailli', lan tsilaj xanuc', lomxiye nomuc'iyalepá locuxepa LanDios jouc'a jahuay noxpijpá lataiqui' ixpic'e'me lo'e'eyacu Jesús. Aiquicol'ma, ifi'e'me, ileco'me pe lopa'a Pilato, itque incuxepa romano. Jilpe icu'me.

2 Pilato icuis'e'ma Jesús, timi:

—¿Ima' itrey lan xanuc' judío?

Jesús italai'e'e'ma, timi:

—Al finca lofcuapa.

³ Lixanuc' cal cuecaj ca'ailli' icuf'me juaiconapa.

⁴ Pilato icuis'econa'ma, timi:

—¿Te ima' aimotalai'ecoyacoxi? Joupa ocuejpa. Ticufhuo' acueca' lo'epa.

⁵ Jesus aiqitalai'e. Pilato aiqixina' te cocuaya. Icuapa lipicuejma': "Itca'a Jesús, ¿te aimitalai'e?"

⁶ Ajuic ajuic Pascua, Pilato ticu lane lan xanuc' tixahue'efe anuli litats'iya, tux'mas'ma.

⁷ Ita'a al juic tipa'a anuli litats'iya cuftine Barrabás. Itquiya i'nohinc'innila' jouc'a liyejmalepá. Itniya itsolimma ehuoc'huaipá cal gobierno romano. Ima'apá lan xanuc'.

⁸ Icuaitsa lan xanuc' pe lopa'a Pilato. Ixa'hue'me ti'eła' ma to mi'ay.

⁹ Pilato icuis'e'mola', timila':

—¿Nai ts'olpic'a? Imanc' unc'ijudío, ¿te cux'mas'ma lo'rey?

¹⁰ Tohta'a licua'ma Pilato, imetsaicola' itne lixanuc' cal cuecaj ca'ailli'. Ixina' te ts'i'ic' litpicuejma'. Ixina' ti'eyi laic' Jesús, tohiya joupa icupá.

¹¹ Lixanuc' cal cuecaj ca'ailli' icuxe'me, imi'me lan xanuc' timite Pilato tux'masnała' Barrabás.

¹² Pilato icuis'econa'mola', timila':

—Itque holacui'ipa olrey, ¿te caif'e'eya itquiya?

¹³ Ija'acona'me, italai'e'me, timiyi:

—¡Tapałts'ijnla' lancruz!

¹⁴ Pilato icuis'e'mola', timila':

—¿Te caifnepałts'ijncoya lancruz? ¿Te quixcay qui'epa?

Ija'a'me ujfxi, timiyi:

—¡Tapałts'ijnla' lancruz!

15 Pilato ipic'a tetentocotsola' lan xanuc'. I'e'ma to lixa'hue'me. Ux'masna'ma Barrabás, icuxe'ma tipalojle Jesús. Epi'ipola' lan soldado tepahts'ijnta lancruz.

16 Lan soldado ileco'me Jesús luna lejut'ł cal gobernador. Jiłpiya luna cuftine al Pretorio. Jiłpiya efot'le'mohtsi jahuay lił'as soldado.

17 Itats'mi'me Jesús lunxali cumi quijahua', ma to liłpijahua' lan rey. Ipuř'me anuli al corona quitac, ic'ommof'i'i'me lijuac Jesús.

18 Ipango'me inom'me, ija'a'me:

— ¡Añonghuo', ima' iřrey lan xanuc' judío!

19 Tuntaf'e'eyi lijuac ajaxa, titsuł'oyi. Exc'onlingai'me.

20 Lijoupa lixocopa, ipa'e'e'me lunxali cumi quijahua', itats'miconam'e ma lipijahua'. Ileco'me ipa'anca lema quilya', tepahts'ijnta lancruz.

21 Miyeyi lane italecuf'me anuli cal xans cuftine Simón, las Cirene. Iłque ił'ailli' Alejandro jouc'a Rufo. Icuaiico'ma qui'huayonamma cal 'ec. IcuXe'e'me titaila' lencruz Jesús.

22 Icuai'etsa Jesús petsi cuftine Gólgota, luhuałquemma: Lamats' Quecoye.

23 Jiłpiya icufi'me al vino ihuantsi al mirra. Ja'ni tixnała' aijtine mixingufcoya łumla. Jesús aiqix-naic'.

24 Epahts'ingim'me lancruz. Lan soldado iř'ilco'me lipijahua', naitsi nolijya. Anuli anuli tulij'ma locuaiya quimane.

25 Ixhuaita al pełta 'hora lepahts'ijm'me Jesús lencruz.

26 Ipo'nompá lacaxma loya'apa licuxecompa Jesús, ticua: "Iłca'a iřrey lan xanuc' judío".

27 Jesús epałts'ingimpola' oquexi' linma'ahuale. Anuli tipa'a al c'a camane, łocuena loxa camane.

28 Ma tołta'a enanłcopa al Paxi Liniłingiya loya'apa: “I'e'empá ma to lo'e'enyacola' lan xanuc' ni'epá lixcay”.

29 Lan xanuc' noyalaicopá jilpiya imiloj'me cataiqui', ife'ne'me liłjuac, timiyi:

—Ima' lofmetelya al cuecaj xoute', tijouła' afane' quitine joupa olanc'econapa,

30 ne', taimunni lomencruz. ¡Tonłu'exoxi!

31 Lixanuc' cal cuecaj ca'ailli', jouc'a lomxiye no-muc'iyalepá locuxepa LanDios ixoco'me, timiyoltsi:

—Iłque unłu'epola' locuenaye. Itsiya aimi'iya munłu'eyacoxi.

32 Illanc' ixanuc' Israel, ja'ni iłque ałrey, ja'ni aCristo, ¡timunni lencruz! Ałsinte illanc', tijouła' lapenuf'me.

Iłniya lepałts'ingimpola' Jesús imiloj'me cataiqui'.

33 Li'i'ma menac'o imufc'o'ma jahuay lema'a. Ni petsi li'a łamats' tocomma ipuqui'.

34 Al fanej hora lummuhijma' Jesús ija'a'ma ufxi, ticua:

—Eloí, Eloí, ¿łama sabactani?

Iłiya lohualquemma ticua: “Ima' mainenDios, ¿te calacanuycopa?”

35 Timana' lan xanuc' nacaxolanna jilpiya icuej'me lines'ma Jesús, iłniya lines'me:

—¡Xinła'! Tijoc'i cal profeta Elías.

36 Anuli cal xans icuaiconni tinu, ijac'eco'ma al esponja acuxac vino. Icants'i'ma al jaxa, i'nof'e'ma lico Jesús, titsif'la'. Iłque cal xans ticua:

—¡To!e! A!sim'me ja'ni ticuaihuo Elías, tipu!na'ma lencruz.

³⁷ Jesús ija'a'ma ujfxi. Exnalif'ma, imana'ma.

³⁸ Lijahua' lojujnya al cuecaj xoute' its'a!quenni quituca', al toncay itejmay !amats'. He lijahua' lipa'ne j!!pe Lajut'! Xonca al Paxi.

³⁹ Nocuxepola' lan soldado tecaxu anujnca lencruz Jesús, tehuelonge. Ixim'ma Jesús lima'ma ma mija'e' to!ta'a. Ticua:

—Ma' alinca i!ca'a cal xans i'Hua LanDios.

⁴⁰ Timana' laca!no' tecaxo!anna aculi', tehuelo-jnyi. Tipa'a María !as Magdala, tipa'a María qui!máma' Jacobo y José. !que Jacobo !ecui'impá: Lijoujma. Jouc'a tipa'a !aca'no' cuftine Salomé.

⁴¹ Mipa'a Jesús al distrito Galilea i!niya laca!no' ihuejpá Jesús, itoc'ipá, ites'mipá. Ma!piya tehuelo-jnyi Jesús mipa'a lencruz timana' locuenaye laca!no' jouc'a. !he y Jesús anuli icuaiyunca Jerusalén.

⁴² He litine avispera. Lihuequi litine itine conx-ajya. Joupa if'aco!aipa.

⁴³ Anuli cal xans cuftine José, !as Arimatea, i'hua'ma ixintsi cal gobernador Pilato. !que José acuecaj xans, anuli pe i!niya nafot'!epo!tsi noxpijpá lataiqui'. !que i'huaijma ticuaitsi litine jahuay lan xanuc' tihuejco!e LanDios hi!Cuecaj Rey. José i'e'e'moxi acueca' !unxajma'. Itsufai'ma pe lopa'a Pilato, ixahue'etsi tepi'ina!e licuerpo Jesús.

⁴⁴ Pilato ticua: “Ma' imaf'i' Jesús, aiquimac”. Ijoc'i'ma nocuxepola' lan soldado. Icu!s'e'ma ja'ni joupa imapa Jesús.

⁴⁵ Nocuxepola' lan soldado timi: “Linca, joupa imapa Jesús”. Pilato epi'i'ma lane José tilecotsi licuerpo Jesús.

⁴⁶ José ipuľna'ma licuerpo Jesús jilpe lencruz. Iju'eco'ma afujca quijahua' lilanc'ecompa alino, i'na'apa ats'e. I'nicohuo'ma anuli ħunts'ēja', ipuc'o'iya łapic. Imef'ma anuli cal cueca' capic, ipa'neco'ma lico ħunts'ēja'.

⁴⁷ María łas Magdala, jouc'a María qui'máma' łocuenaj José, ehuelojm'me pe lipo'no'enghuo'me licuerpo Jesús.

16

¹ Luyai'ma litine conxajya María łas Magdala, María qui'máma' Jacobo, jouc'a łaca'no' Salomé, iye'me i'natsa laceite tujuej c'a ti'huof'ita licuerpo Jesús.

² I'i'ma quitine al te'a quitine al xamano. (Iĥiya adomingo.) Tipammaiyumma cal 'ora, icuaitsa ħunts'ēja'.

³ Timiyoltsi:

—¿Naitsi laliĥonc'e'eyaconga' łapic łeti'icoya lico cunts'ēja'?

⁴ Lixim'me lico cunts'ēja' ixim'me joupa iĥonc'empa łapic, ipo'nompa jilpe anuli liju'. Iłque łapic juaiconapa acueca'.

⁵ Itsuflai'me ħunts'ēja', ixim'me al c'a camane ticutsu anuli łamijcano. Afujca lipijahua', axehuay. Ixpailij'mola'.

⁶ Łamijcano timila':

—Aimixpailij'molhuo'. Tolahueyi Jesús łas Nazaret, małque łepałts'ingimpa. Iłque ailopa'a

fa'a. Joupa imaf'inapa. ¡Tolahuelongunca! Jifa'a lipo'no'empa licuerpo.

⁷ Imanc' tonlenle, tolu'itsola' ts'ilihuequi Jesús, jouc'a Pedro, tołmitsola': "Jesús ti'hua'ma Galilea. Tolcuaitsa jilpiya tołtalecufta ma to limipolhuo'."

⁸ Lacał'no' ipalunca łunts'eja'. Inul'me. Juaiconapa tixpailiquila', tiyula'. Nij naitsi lu'ipa.

⁹ Jesús imaf'ina'ma liłic'ejma' al te'a quitine al xamano, iłiya adomingo. Imuj'moxi ate'a María łas Magdala, iłque łaca'no' ĩpa'empa acaitsi lontahue.

¹⁰ Iłque i'hua'ma u'itsola' liyejmalepá Jesús. Iłniya tihuotsoyi, tijolijyi.

¹¹ María timila':

—Jesús imaf'i'. Iya' aiximpa.

Iłniya aiqul'aic' łınca locuapa.

¹² Jesús imuj'cona'moxi pe lomana' oquexi' ts'ilihuequi. Jilniya tiyeyi lane ticuaita cal 'ec. Imuj'moxi tocomma ipaicomma.

¹³ Iłne loquexi' ipailiconanca, licuaitsa pe lomana' liłpimaye, uya'a'me liximpa Jesús. Liłpimaye inescona'me: "A'ij łınca".

¹⁴ Lijou'ma Jesús imuj'moxi pe lomana' limbamaj nuli ts'ilihuequi. Iłniya titetsoyi. Itale'mola' iłniya nonespá: "A'ij łınca iłe loya'apa lałpimaye. Aiquimaf'i' Jesús." Ixim'mola' ata liłpicuejma'.

¹⁵ Jesús timila':

—Tonlele ni petsi li'a łamats'. Toluya'atsa Lataiqui' loya'apa iłe al c'a lixpicepa ŁanDios. Tolu'itsola' jahuay lan xanuc'.

¹⁶ Iłne napenufyacu Lataiqui', tepoliłe, iłniya tunłul'me. Naitsi aimepenufi Lataiqui', iłque tecani'ma.

17 'Tixinim'me al cueca' lo'eyacu iñe napenufyacu Lataiqui'. Tipa'a'me lontahue litsuflaipá lan xanuc', tipalai'me ituca' liltaiqui'.

18 Ja'ni ti'noñe lainofat'í o tixnañe cafxi cum-maiya ailopa'a co'e'eyacola'. Tixpayaf'me liltmane lafcuallay, iñe tixañcona'mola'.

19 Lijoupa limipola' toñta'a cañ'Ailli' Jesús if'ajna'ma lema'a. Jiñpe icutsingaitsi al c'a camane ÑanDios.

20 Ts'ilihuequi Jesús ipalunca. Ni petsi uya'atsa Lataiqui', iñe loya'apa al c'a lixpica'epa ÑanDios. ÑanDios liyejmalepa, i'e'ma acueca'. Toñta'a imuc'i'mola' lan xanuc' añinca Lataiqui' loya'apa ts'ilihuequi Jesús.

Lataiqui' loya'apa ñe al c'a lixpíc'epa LanDios
New Testament in Chontal, Highland Oaxaca
(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 30 Dec 2021

6400fb6e-80e3-5cbe-8b37-1a879c9db6c6